

REFERAT MAA - Meeqqanut Atuarfeqarnermullu Ataatsimiititaq d. 05-11-2018

Mødedato Mandag d. 05. november 2018 kl. 20:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Oak Foundation Danmarkimiit aningaasaliissutit.....	7
Ingerlatsinermik isumaqatigiisummik sivitsuineq.....	10
Atuarfimmi Skakkerneq.....	13
2018-imi aasaanerani atuangiffeqarnermi sammineqartut.....	16
Ammasarfiit allangortinneqarneri.....	19
Aalajangiiffigisassat.....	22
2019-imi Meeqqanut atuarfeqarnermullu Ataatsimiititap politikkikkut ataatsimiiffissaasa ullulerner	23
Suliat Aningaasaqarnermut Inuussutissarsiornermullu Ataatsimiititamut.....	26
2019-imut missingersuutissat aappasaaneerneqarnissaat.....	27
Nukarlerni tuluttut atuartitsinermi pitsaassutsimik nalilersuineq.....	31
Sunngiffimmi atuartitsineq 2018 - 2019.....	35
Islandimi periuseq atorneqartoq.....	38
Tapiissuteqarnermut malittarisassanik nutarterineq.....	44
Angajoqqaanut meeqqap meeraaqqerivimmu inissamik allatsissinnaalernissaannut malittarisassani	49
Nunaqarfinni sunngiffimmi atuartitsineq.....	55
Ingerlatsinermik kukkunersuineq. Atuartut angerlarsimaffiat.....	58
Evt.....	61
Suliat matoqqasut.....	62
Imaqarniliap akuerineqarnera.....	63

Punkt 0: Saqqaa

<p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiiooq Knudsen (S)</p>
<p>Michael Rosing (SA)</p>

Beslutning

Oqarasuaatikkut peqataavoq: Thiiooq Knudsen

Punkt 1: Oqaluuserisassat akuerineqarneri

Beslutning

Oqaluuserisassat akuerineqarput

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

2A:

1. Siulittaasutut politikikkut anguniakkat suleqatigiinnermi isumaqatigiissut malillugu naqqaniit pisortanit suleqatigiinneq ingerlanneqarpoq, aqqissuusaanerumik avammut tusarliussinissaamut kommunikationimi ingerlatsivik suleqatigilluinnarlu suliaassanik tiguneqartunik suleqatigiittussaagatta ingerlanneqartarpoq. saaffiginnissutit aamma apeqqutigineqartut tiguneqarnerani qujassuteqarfigisarpagut suliaassatut tiguneqarlutillu.

2. Misi Kommuneqarnitsinni angalanerani ornamintinni illoqarfiit Tasiilaq, Paamiut, Ittoqqortoormiut tikinneqarput.

3. Meeqqat ukiaanerani atuangiffeqarnermini timersuut arsarneq ingerlanneqarput "Torrak" aliikkutarilluarpaat.

4. GIF kalaallit nunaani timersoqatigiiffiup kattuffiata aqqissugaannik ingerlanneqarput weekend-ini peqataaffigilluarneqarlunilu timersornermik ingerlatsisut isumasioqatigiineq angusaqarfiulluartutut naammassineqarput, anguniagalersorneqarput siunissami timersuut qanoq ittoq anguneqarnissaanut isumasiornermi pingaarnertut assigiinngitsut arlaqartut anguniarneqarput. siammasissumik kommuneqarfik sermersooq tamaat isigalugu, aammattaa pingaarnertut Nuuk annertunerumik eqqartungaatsiarpaat, taakkartorneqarput timersortarfiit atuinermi assigiinngitsunit akisussaaffilersorneqarnera ataasiinnangortinnissaanut anguniarneqarpoq.

aaqqissuusseqqinnissaq tullinnguutumik Kommuneqarfik sermersooq suleqatissarsinisaminut ujartuinissaq tigullugu.

5. Naluneqanngitsutut Meeqkerivimmi Nukariinni atuisut angajoqqaat naammagittaalliummik saqqummiussisoqarpoq avaangunartumik, naammagittaalliut suliarineqarpallappoq pisortanik akissuteqarfigneqarlutik, siulittaasutut pissusissamisoorsoraara pisortaarfimmit suliarineqarluni ingerlanneqarnissaa pissutigalugu inuit ataasiakkaanut tunngassuteqarmat. KNR attaveqarfigineqarpunga apersorneqarnissannut, innersuussutigineqarpoq kommunikation ataqartigiissaarisumut attaveqassasut taassumallu ataqatigiissarneqassammat apersuinissamut akissuteqartussamut.

6. Meeqkerisut nalunneqanngitsumik amigaatigineqarput nunatsinni tamakku pillugit ingerlatsivimmiit perorsaasut kattuffiat naapeqatigiinnissapput ulluni aggersuni, tassami immikkoortotaqarfik milloorneqartuarmat ajornatorsiutinik unitsinniarlugu suleqatigiinnissagt anguniarneqarmat. ajornatorsiut aqqinneqarnissaanut kikkut tamat akisussaasut suleqatigiissutigineqartariaqarmat.

7. Naggasiullugulu eqqaalaasavara Imminortarneq unitsinniarlugu nuna tamakkerlugu akilliullutik takutitsinermi Paamiuni ingerlanneqartumi kommune-mut ingerlaaqatigiittoqarmata oqariartuutitik tunniukkiartormasuk allamik tunniussiffissaqannginnertik pissutigalugu, kommunep saavanut pimmeta kommunal ilaasortanit anillaffigineqarput oqariatuutaallu tigullugit.

2B:

Meeqqanut, Atuarfeqarnermullu Ingerlatsivimmi pisortaq

Punkt 3: Ilisimatitsissutit

Punkt 03A: Oak Foundation Danmarkimiit aningaasaliissutit

Beslutning

Ilisimatitsissut tusaatissatut tiguneqarpoq

Bilag

Bilag 1_C overslag.xls

Oak Foundation Danmarkimiit aningaasaliissutit

Tasiilami majuartaateqarfimmi garageliorneq

Ilisimatitsissut

J.nr.: 05.00.04

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsiviup Peqqinnermut Susassaqartitsinerullu Immikkoortortaata nuannaarutigalugu ilisimatitsissutigissavaa, 'Tasiilami majuartaammi garagetaarnissamik pilersaarut' Oak Foundation Danmarkimiit 1.231.820 d. kr.-nik aningaasaliiffigineqartoq

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Taamanikkut ingerlatsiviup Tamanut Kiffartuussiviup Peqqinnermut, Pitsaaliuinnermut Susassaqartitsinerullu Immikkoortortaata immikkoortortami annertuumik suliniuteqarnissamik takorluugaanut atatillugu Lokal Anlægs fonden, Kraemers fonden aamma OAK fonden 2017-imi apriliip naalernerani ataatsimeeqatigivai. Suliniummi takorluugaavoq, Sermersuumi innuttaasunut sammisassaqartitsineq pitsaanerulersinneqarnissaa tamannalu aningaasaateqarfinnit soqutiginnartinneqarpoq.

Tamanna tunngavigalugu Meeqqanut Atuarfeqarnermullu Ingerlatsiviata Peqqinnermut Susassaqartitsinerullu immikkoortuata 2018-imi januarimi qinnuteqaatigaa, Tasiilami illiniliuutitut garagemik pilersitsisoqassasoq, taanna aamma isersimaarfittut, sannavittut aamma meeqqanut inuusuttunullu akeqanngitsumik atukkiunneqartartunut sioraataasivittullu atorneqassalluni.

Immikkoortorta qarfiup aamma takorluugaraa, majuartaatip pitsanngorsaavigineratigut meeqqat inuusuttullu siorarfimmiinneranni isersimaarfissaqarnissaat. Garage aamma illiniliuutit eqqussivissaattut aserfallatsaalineqarnerinilu sularinnittarfittut atorneqassaaq, kiisalu sioraatinik atukkiunneqartartunut isumannaatsumik toqqorsivittut.

Qinnuteqaat sivisuumik sularineqareersorlu immikkoortorta qarfik ulloq 31. maaji 2018 akissutisivoq, tassa Oak Foundation immikkoortortap qinnuteqaataanut 1.231.820 d kr.-nik aningaasaliiniartoq. Immikkoortorta qarfiup suliniut aallartippaa, Sanarfinermut Avatangiisinullu Ingerlatsivik suleqatigalugu garagep ilaa ukiortinnagu sananeqarnissaa pilersaarusiorneqareerpoq. Aningaasaliissutit suli tiguneqanngillat, ukiulli naannginnerani ikineqarnissaat naatsorsuutigineqarpoq.

Aaqqiissutissatut siunnersuut – suliatigut naliliineq

Majuartaammi meeqqanut inuusuttunullu sioraatinik akeqanngitsumik sioraatissaqartitsisarneq siorarfimmi inoqarluartarneranik kinguneqarpoq, taamaattumillu garage majuartaateqarfimmi iluaqtaassaaq, siorariammi sivisunerusumik siorarfimmiissinnaanngussapput.

Aningaasaqarnikkut sulisoqarnikkullu naliliinerit

Inatsisitigut tunngavissaq allakkallu tunngaviusumik uppermarsaatitallit

Naalackersuisooqatigiinnissamik isumaqatigiisummi 2017-2021 iliuserisassat MA43 -
Sunngiffimmi neqeroorutit akeqanngitsut ineriartortinneqassapput

Ingerlariaqqinnissaq

Garageliorneq aallartinneqareerpoq. Garage inissinneqarallassaaq, betonilersuinertaali
aasaqqippat aatsaat pissaaq.

Aningaasaqarnermut Allatseqarfimmit oqaaseqaatit

Suliniut Aningaasaqarnermut Allatseqarfimmut tassungalu ilanngullugu kommuni
missingersuutaanut artukkiissanngimmat taanna oqaaseqartinneqanngilaq. Aningaasaliissutit
aningaasaateqarfimmit 2019 ilanngullugu aningaasaliissutaammata, ingerlatsiviup kissaatigaa,
aningaasaliissutini ukioq manna atunngitsuukkat 2019-imut missingersuutitut nuunneqassasut.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Ilanngussaq

Ilanngussaq 1 – Missingiut C

Punkt 03B: Ingerlatsinermik isumaqatigiisummik sivitsuineq

Beslutning

Ilisimatitsissut tusaatissatut tiguneqarpoq

Bilag

1. Driftsaftale mellem Kommuneqarfik Sermersooq og Sisorarfiit_underskrevet.pdf
2. Sisorarfiit Inventarliste.pdf

Ingerlatsinermik isumaqatigiissummik sivitsuineq

Sisorarfiit Aningaasaateqarfiat

Ilisimatitsissut

J. nr: 22.02.05

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik tassunga ilanngullugu Peqqinneq Sammisassaqaqtitsivillu matumuuna ilisimatitsissutigaat, Kommuneqarfik Sermersuup aamma Sisorarfiit Aningaasaateqarfiata akornanni ingerlatsinermut isumaqatigiissut sivitsorneqartoq.

Sisorarfiit ingerlatsinermut isumaqatigiissuteqarfigineqarnerat 30. novembari 2018 qaangiutissaaq, sivitsuisoqassanersorlu illuatungeriit 1. juuni 2018 nallertinnagu imminnut nalunaaruteqarfigissapput kiisalu iluarsisuteqartoqassappat tamanna 1. septembari 2018 nallertinnagu isumaqatigiissutaareersimassalluni. Illuatungeriit tamarmik isumaqatigiissutip sivitsorneqarnissaa kissaatigaat.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaat:

- Meeqqanut Atuarfeqarnermullu Ataatsimiititamit ilisimatitsissut tusaatissatut tiguneqassasoq

Suliassamik saqqummiussineq

Nuummi sisorarfimmi allaffissornermik ingerlatsineq ukiuni 25-ni Sisorarfiit Aningaasaateqarfiata kommune sinnerlugu isumagaa. 1993-imi kommunalbestyrelsiusimasup sisorarnermik siuarsaanissamik siunertaqarluni inuussutissarsiornermik ingerlatsisoq Sisorarfiit Aningaasaateqarfiat pilersippaa. Kommuneqarfik Sermersuup aamma Sisorarfiit Aningaasaateqarfiata akornanni ingerlatsinermut isumaqatigiissut maannakkut atuuttoq aalajangersaaffigineqarpoq, atulersinneqarlunilu 26. februaari 2015. Ingerlatsinermut isumaqatigiissut atuuttoq 30. novembari 2018 qaangiutissaaq, illuatungeriillu sivitsuinissamik kissaateqarput.

Maannakkut isumaqatigiissummi tapiliussap ilaa tassa Arctic Winter Gamesimut tunngasoq pisariaarunnikummat peerneqarnera allannguutaassaaq.

Kommuneqarfik Sermersooq kommunimit pisinnaatitsissut tunngatigalugu namminersorlutik ingerlatsisut Sisorarfiit Aningaasaateqarfiat aningaasatigut tapiissuteqarnissamut pisinnaatinneqarpoq, tassa Nuummi sisorarfimmik ingerlatsineq aserfallatsaaliinerlu kommunimi innuttaasunut iluaqutaasussatut siunertat pineqarpata. (Ingerlatsinermut isumaqatigiissummi § 2 inatsisitigut tunngaviusoq innersuussutigalugu).

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivik tassunga ilanngullugu Peqqinneq

Sammisassaqaqtitsivillu Kommuneqarfik Sermersuup isumaqatigiissut maannakkut atuuttoq kiisalu ingerlatsineq iluarisimaarpaat, sivitsorneqarnissaalu aalajangiullugu.

Aningaasaqarnikkut sulisoqarnikkullu naliliinerit

Ukiumut ingerlatsinermit tapiissut kommunimut missingersuusiornermut atatillugu Kommunalbestyrelsimit missingersuusiornermi malittarisassat naapertorlugit aalajangersarneqartarpoq, § 10. Aningaasaqarnek – missingersuutit – ukiumut naatsorsuutit innersuussutigalugu. Ukiumut ingerlatsinermit tapiissutit 2018-imi 2.4 mio. kr.-iupput.

Inatsisitigut tunngavissaq allakkallu tunngaviusumik uppersaatitalit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq.

Suleqatigiinnissamik isumaqatigiissummi anguniagaavoq, qassinilluunniit ukiulinnut tamanut silami illullu iluani timersornermi periarfissaqaqtitsinissaq.

Ingerlariaqqinnissaq

Maannakkut isumaqatigiissutaasoq attatiinnarneqassasoq aamma Sisorarfiit Aningaasaateqarfiata sulinini attatiinnassagaa, ingerlatsinermit isumaqatigiissummi suliassanut tunngasut innersuussutigalugu.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussat

1. Kommuneqarfik Sermersooq aamma Sisorarfiit ingerlatsinermit isumaqatigiissutaat_atsiorneqarsimasoq
2. Sisorarfiit pequtaasa allattorsimaffiat

Punkt 03C: Atuarfimmi Skakkerneq

Beslutning

Ilisimatitsissut tusaatissatut tiguneqarpoq

Bilag

Bilag 1.docx

Bilag 2.docx

Atuarfimmi Skakkerneq

Ilisimatitsissut

J.nr.: 51.00-G01-267-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / hebe

Suliassamik eqikkaaneq

Suleqatigiinnissamik isumaqatigiisummi anguniagassatut aalajangersarneqarpoq, atuarfimmi ima suliniuteqartoqassasoq *"Akullerni skakkernermik aaqqissuussaasumik ilinniartitsinerit misiligutitut neqeroortiginissaat – ajornanngippat Nunani Avannarlerni Killerni nunat allat suleqatigalugit"*.

Tasiilami Ittoqqortoormiinilu atuartuni akullerni skak matematikkernermut atatillugu ukiumi atuarfiusumi 2018/19-imi atuutilersinneqarpoq.

Atuarfiit avataaneersunik imaluunniit namminneq ilinniartitsisoqartitsipput.

Illoqarfinni marlunni ukiumut ataasiarluni Island skakkernermik unammillerneqartarpoq, tamannalu skakkertartut klubbiannit aaqqissuunneqartarpoq. Atuarfiit skakkertartut klubbiannik suleqateqarnerup annertusinissaa anguniarlugu sulissuteqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Tasiilami Ittoqqortoormiinilu atuartuni akullerni skak matematikkernermut atatillugu ukiumi atuarfiusumi 18/19-imi atuutilersinneqarpoq. Akullerni klassit tamarmik ukiumi atuarfiusumi ataatsimi akunnerni qulini skakkertinneqartarput, ukiumi atuarfiusumi ataatsimi matematikkerfissanit akunnernit 200-nit ilanngarlugit. skakkernermik ilinniartitsineq avataaneersumit imaluunniit atuarfiup nammineq ingerlattarpaa, matematikkernermi ilaatillugu ilinniartitsiutigaluni.

Matematikkertitsisut skakkertitsisullu suleqatigiillutik atuartitsineq pilersaarusiussavaat, skak qanoq ililluni matematikkertitsineri ilaatinneqassanersoq, taamaasilluni skak matematikkernissamut ukiumut pilersaarummut ilaatinneqarniassammat.

Tasiilami avataaneersumik ilinniartitsisoqartarpoq, taassumalu matematikkertitsisut suleqatigalugit skakkertarnissaq pilersaarusiortarlugu. Tasiilami ukiup atuarfiusup aallartinnerani skakkerfissanik nutaanik pisisoqarpoq, taamaasillutik atuartut tamarmik tassani ilinniartitsineri peqataasarniassammata.

Ittoqqortoormiini atuarfimmi ilinniartitsisut ilaat ataaseq matematikkertitsisartut suleqatigalugit skakkertitsisarnissamik pilersaarusiortarput.

Illoqarfinni marlunni ukiumut ataasiarluni skakkernermik unammisoqartarpoq. Skakkernermik unamminerit illoqarfinni skakkertartut klubbiinit Island suleqatigalugu aaqqissuunneqartarput.

Atuarfiit ungasinnerusoq eqqarsaatigalugu illoqarfinni skakkertartut klubbiinik suleqateqalernissaq sulissutiginiarpaat.

Aaqqiissutissatut siunnersuut – suliatigut naliliineq

Aarhusimi ilisimatusaatigalugu suliniummi 3. klasseni 31-inik atuartoqartumi paasinarsisimavoq sapaatip akunneranut ataasiarluni, matematikkernissamat taarsiullugu skakkertitsisarnikkut atuartut matematikkimut piginnaasaannik qaffatsitsisartoq, ukiup atuarfiusup pingajorararterutaanik immikkut matematikkertarnerup annertoqataanik.

Suliniummi atuartut qallunaat nunaanni atuarfimmi skakkertitsisarnermi najoqqutassa, Skak+Mat-imik taaguutilik najoqqutaralugu atuartinneqartarsimapput. Tasiilami Ittoqqortoormiinilu atuartut Skak+Mat najoqqutarinagu atuartinneqartarput, qangatulli skakkertarneq najoqqutaralugu atuartinneqartarlutik.

Skak+Mat najoqqutaralugu atuartitsinerup angusaqarfiulluarnera tunngavigalugu, najoqqutassap taassuma ungasinnerusoq eqqarsaatigalugu atuutilersinneqarnissaa anguniarneqartariaqarpoq. Atuarfeqarnermut ingerlatsiviup Dansk Skoleskak attaveqarfigisimavaa, taannalu Tunumi Skak+Mat-ip atuutilersinneqarnissaanut ikiuussinnaasimangilaq.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitallit

Suleqatigiinnissamik isumaqatigiissummi anguniagassatut aalajangersarneqarpoq, atuarfimmi ima suliniuteqartoqassasoq "Akullerni skakkernermik aaqqissuussaasumik ilinniartitsinerit misiligutitut neqeroorutiginnissaat – ajornangippat Nunani Avannarlerni Killerni nunat allat suleqatigalugit". Suleqatigiinnissamik isumaqatigiisut MA 33

Ingerlariaqqinnissaq

- Taamatut ingerlataqarneq nalilersorneqassaaq misiligutitut aaqqissuussinerup kommunimi allani atuutilersinneqarnissaa eqqarsaatigalugu.
- Tasiilami Alivarpi aamma Ittoqqortoormiini atuarfiup ungasinnerusoq eqqarsaatigalugu illoqarfimmini skakkertartut klubbiisa qanimut suleqatigilernissaat sulissutiginiarpaat.
- Dansk Skoleskak suleqatigilernissaa sulissutigineqassaaq, Skak+Mat kommunip sinnerani ungasinnerusoq eqqarsaatigalugu klassini ataasiakkaani atuutilersinneqarnissaa eqqarsaatigalugu.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/Attaveqatigiinneq

Innuttaasunik peqatitsisoqanngilaq

Ingerlatsivinnit allanit oqaaseqaatit

Soqanngilaq

Ilanngussat

Ilanngussaq 1: Suliniut "Skoleskak i matematikundervisningen-matematikkertitsineri atuarfimmi skakkerneq" pillugu naalisagaq. <http://childresearch.au.dk/skoleskak-i-matematikundervisningen/>

Ilanngussaq 2: SKAK+MAT

<https://skoleskak.dk/laeringskoncepter/>

Punkt 03D: 2018-imi aasaanerani atuangiffeqarnermi sammineqartut

Beslutning

Ilisimatitsissut tusaatissatut tiguneqarpoq

Bilag

Bilag 1 - Rapport Tasiilaq_KAL.pptx

Bilag 2-Rapport-SvÃ,mmehallen-Malik_23617_KAL.docx

Bilag 3-Rapport-Nuuk_23617_KAL.docx

Bilag 4-Rapport-Ittoqqortoormiit_23617_KAL.docx

Bilag 5 - Evalueringsnotat Camp West 2018.pdf

Bilag 6- Sommerskole Tasiilaq.pdf

Bilag 7 - Evalueringsnotat Camp East 2018.pdf

2018-imi aasaanerani atuanggiffeqarnermi sammineqartut

Illoqarfinni tamani

Ilisimatitsissut

J. nr.: 55.00

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Peqqinnermut Susassaqtitsinermullu Immikkoortorta Meeqqanut Atuarfeqarnermullu Ingerlatsiviup ataaniittoq illoqarfinni tamani aasaanerani atuanggiffeqarnerup nalaani aqqissuussaqtartarpoq. Meeqqanut aasaanerani atuanggiffeqarnerup nalaani illoqarfimmiit aallarneq ajortunut inuunermut kajumissinartunik sammisassaqtitsinissaq anguniarneqarluni.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Aasaanerani atuanggiffeqarnerup nalaani Kommuneqarfik Sermersuumi illoqarfinni tamani sammisassaqtitsinerit ingerlanneqarput, sammisassat assigiinngitsut neqeroorutillu meeqqanut 6-17-inut ukiulinnut aqqissuunneqarsimallutik.

Kommuneqarfik Sermersuumi sammisassat assigiinngitsut ima isikkoqarput:

Paamiut: 2018-imi aasami nunarsuarmi nammineq kajumissutsiminnik ingerlatsisut Paamiuni meeqqanut inuusuttunullu nuannersumik ineriartuutaasumillu aasarsiorititsisimapput, Peqatigiiffik Kalaallit Meerartaasa aasarsiorarfanni Camp Westimi ilaatigut Kommuneqarfik Sermersooq suleqatigalugu ingerlanneqartumik. Sammiasassat siunertaqarput meeqqat inuusuttullu pussuisa, timimik aalatitsinerisa aamma oqaatsinik atuinerisa nukittorsarneqarnissaat unammillerneqarnissaallu. Aammattaaq nipilersornermut, timersornermut aammalu pinngorartitsinermik suliniutinut peqataanissaq periarfissaasimapput.

Tasiilaq: Tasiilami aasaanerani atuarfik juunimi juulimi Atuarfik suleqatigalugu ingerlanneqarsimavoq. Tassani sananeq, ikaartiterineq, mersorneq, spilcafe aammalu nerisassiorneq periarfissaasimapput. Tasiilaq aamma Cirqu Arctic 2018-imit tikeraarneqarpoq, tassani meeqqat inuusuttullu akrobatik, akorseqattaartarneq, ussersorlunilu pissusilersortarneq allallu pillugit workshopertitsinermut qaaqqusaasimapput.

Ittoqqortoormiit:

Peqatigiiffik Kalaallit Meerartaat Ittoqqortoormiini tammaarsimaartitsinermik aqqissuisimapput. Tammaarsimaarfik taaguuteqartinneqarpoq Camp East Paamiunisulli aamma iluatsilluarsimalluni. Tammaarsimaarfimmi meeqqanut inuusuttunullu qajaqarpoq aamma KAK arsaannermik ilinniarfeqarlunilu ivigaasalimmi aasaanerani timersuutit ingerlanneqarlutik.

Nuuk: Nuummi sammisassatut neqeroorutit 20-upput, soorlu Arsarnermik ilinniarfik, niviersiaqqanut suliniut, sannavik pinngorartitsivik, tassani neqerooruterpassuit ullut

tulleriit arlallit ingerlaannartumik ingerlanneqarlutik. Tamakkua saniatigut aasaq tamaat Playgroundimi aqqissuussat assigiinngitsut ingerlanneqarput.

Naluttarfik Malik:

Naluttarfik aqqissussaanik assigiinngitsunik 5-inik ingerlassaqarpoq, soorlu vandpolo, kajakpolo, h vdingebold aamma aqqutissaq akimmiffissalersugaq. Aamma meeqqat naligalugit annaassiniarnermut pikkorisaasoqarpoq, tassani naluttarfimmi annaassiniarnerup qanoq ittuunera paasisaqarfigitinneqarpoq, annaassiniaariaatsit assigiinngitsut misiligartinneqarput soorlu naluttarfimmut tinginerit, inummik qaqitsineq, aqqarluni pigisamik tigusiniarneq naluttarnerit assigiinngitsut.

Aaqqiissutissatut siunnersuut – suliatigut naliliineq

Sammissassat pilersaarutaasut pilersaarutit malillugit ingerlanneqarput. Holdit ilai ulikkaavittarsimapput. Peqqinnermut Susassaqartitsinermullu Immikkoortortamit nalilerneqarpoq meeqqanit aamma inuusuttunit kiisalu angajoqqaanit Kommuneqarfik Sermersuumit neqeroorutigineqartut assut nuannaarutigineqarsimasut.

Aningaasaqarnikkut sulisoqarnikkullu naliliinerit

Aningaasat missingersuutini immikkoortup killiliussallu iluiniipput.

Inatsisitigut tunngavissaq allakkallu tunngaviusumik uppemarsaatitallit

Kulturikkut ingerlatsineq sunngiffimmilu sammissassaqartitsineq pillugit Inatsisartut inatsisaat nr, 5, 6. juuni 2016-imeersoq.

Naalackersuisooqatigiinnissamik isumaqatigiissummi 2017-2021 iliuuserisassat MA43 - Sunngiffimmi neqeroorutit akeqanngitsut ineriartortinneqassapput

Ingerlariaqqinnissaq

Atuarfinni atuannigiffeqarnerup nalaani sammissassaqartitsiuarnissaq immikkoortortaqaqarfimmit sulissutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaateqanngillat.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilangussaq

Ilangussaq 1 – Nalunaarusiaq Tasiilaq

Ilangussaq 2 – Nalunaarusiaq Naluttarfik

Ilangussaq 3 – Nalunaarusiaq Nuuk

Ilangussaq 4 – Nalunaarusiaq Ittoqqortoormiit

Ilangussaq 5 – Nalilersuinermit allakkiaq Camp West 2018

Ilangussaq 6 – Aasaanerani atuarfik Tasiilaq

Ilangussaq 7 – Nalilersuinermit allakkiaq Camp East 2018

Punkt 03: Ammasarfiit allangortinneqarneri.

Beslutning

Ilisimatitsissut tusaatissatut tiguneqarpoq

Ammasarfiit allangortinneqarneri.

Ittoqqortoormiini minihali

Ilisimatitsissut

J.nr.: 55-03

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Ittoqqortoormiini Minihalip ammasarfiisa allannguutai matumuuna Meeqqanut Atuarfeqarnermullu Ingerlatsivimmit ilisimatitsissutigineqarput. Ukioq 2016-imi Paamiuni, Tasiilami aamma Ittoqqortoormiini kommunip timersortarfiisa ammasarfii assigiissarneqarput. Ittoqqortoormiini Peqqinnermut Susassaqartitsinermullu Immikkoortortaqaarfimmit maluginiarneqarsimavoq, Ittoqqortoormiini sivisunerusumik ammatitsisarnissaq innuttaasunit piffissami sivisuumi pisariaqartinneqarsimanngitsoq, taamaattumik ullut tamaasa matusarnera nal. 23.00-imiit 22.00-imut allangortinneqassaaq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Ittoqqortoormiini Minihalip ammasarfiisa allannguutai matumuuna Meeqqanut Atuarfeqarnermullu Ingerlatsivimmit ilisimatitsissutigineqarput. Ukioq 2016-imi Paamiuni, Tasiilami aamma Ittoqqortoormiini kommunip timersortarfiisa ammasarfii assigiissarneqarput. Ittoqqortoormiini Peqqinnermut Susassaqartitsinermullu Immikkoortortaqaarfimmit maluginiarneqarsimavoq, Ittoqqortoormiini sivisunerusumik ammatitsisarnissaq innuttaasunit piffissami sivisuumi pisariaqartinneqarsimanngitsoq, taamaattumik ullut tamaasa matusarnera nal. 23.00-imiit 22.00-imut allangortinneqassaaq.

Minihalimi sulisut piffissami sivitsortumi siusinnerusukkut matusalernissaa ujartulerpaat, pissutigalugu nal. 22.00 aamma 23.00 akornanni sulisut sulitillutik allanik inoqartannginnera

Aaqqiissutissatut siunnersuut – suliatigut naliliineq

Minihali maanna nal. 22.00 matusalissaaq, siusinnerusukkut nal. 23.00 atorunnaarluni.

Aningaasaqarnikkut sulisoqarnikkullu naliliinerit

Akissarsianut tunngatillugu ullormut 1 tiimi sipaarneqartalissaaq, taannalu innuttaasunut allatigut atorneqartalissalluni.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq.

Ingerlariaqqinnissaq

Ammasarfiit allangortinneqarnerisa akuersissutigineqarneri innuttaasunut nalunaarutigineqassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit ammasarfiit allangortinneqarnissaat innersuussutigineqarpoq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit
Soqanngilaq

Ilanngussat
Soqanngilaq

Punkt 4: Aalajangiiffigisassat

Punkt 04A: 2019-imi Meeqqanut atuarfeqarnermullu Ataatsimiititap politikkikkut ataatsimiiffissaasa ullulerner

Beslutning

- politikkikkut ataatsimiiffissat ullulerner akuerineqarput.
- Paamiunut Tasiilamullu angalanissat ullulerner akuerineqarput.

Bilag

Bilag 1A Politisk mødekalender 1. halvår 2019 DK.xlsx

Bilag 1B Politisk mødekalender 2. halvår 2019 DK.xlsx

Bilag 2A Politisk mødekalender 1. halvår 2019 DK med udvalgsrejser.xlsx

Bilag 2B Politisk mødekalender 2. halvår 2019 KAL DK med udvalgsrejser.xlsx

Bilag 3 KAL.pdf

2019-imi Meeqqanut atuarfeqarnermullu Ataatsimiititap politikikkut ataatsimiiffissaasa ullulernerini

Aalajangiiffisassaq

J.nr: 01.01.01

Suliffeqarfimmu Kiffartuussivik – kommunaldirektøri Lars Møller-Sørensen / LMS

Suliassamik eqikkaaneq:

Aqutsinermut inatsimmi § 8-mi allaqqavoq "Kommunalbestyrelsi aalajangiisassaqaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2019-mut politikikkut ataatsimiiffissat ullulernerini januari 2019-miit decemberi 2019-mut atuutissapput. 2019-imi politikikkut ataatsimiiffissat ullulernerini, ataatsimiitsitat 2019-imi paasiassarsiorlutik angalanissaat ullorsiummut ilanngunneqarput. Tamanna peqquteqarpoq, politikikkut angalanerit ataatsimiinnerillu ataqatigiissarneqarsimanissaat qulakkeeniartugit.

Inassuteqaatit

Suliffeqarfimmu Kiffartuussiviup Meeqqanut Atuarfeqarnermullu Ataatsimiititami inassuteqaatigaa:

- Meeqqanut Atuarfeqarnermullu Ataatsimiititap 2019-imi politikikkut ataatsimiiffissaata ullulernerini akuerineqassasut.
- Meeqqanut Atuarfeqarnermullu Ataatsimiititap 2019-imi ataatsimiitsitat Paamiunut Tasiilamullu angalanissaasa ullulernerini akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelsi aalajangiisassaqaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Aaqqiissutissat siunnersuut – suliartigut naliliineq

2019-mut politikikkut ataatsimiiffissat ullulernerini januari 2019-miit decemberi 2019-mut atuutissapput. 2019-imi politikikkut ataatsimiiffissat ullulernerini, ataatsimiitsitat 2019-imi paasisassarsiorlutik angalanissaat ullorsiummut ilanngunneqarput. Tamanna peqquteqarpoq, ataatsimiitsitat angalanissaat ataatsimiinnissaallu ataqatigiissarsimanissaat qulakkeeniartugit.

Kommuneqarfik Sermersuumi, qinigaaffimmi 2017-mit 2021-imut ataatsimiititangalanganissaannut malittarisassat ulloq 17. agusti 2017 Aningaasaqarnermut Inuussutissarsiornermullu Ataatsimiititamit akuerineqarput. Malittarisassat naapertorlugit Meeqqanut Atuarfeqarnermullu Ataatsimiititaq 2019-imi ukiup affaa siulleq Paamiuniisssaqaq, ukiullu aaffaata aappaani Tasiilamiissalluni. Ataatsimiitsitami ilaasortaq ataatsimiitsitap paasisassarsiorluni angalanissanut peqataasinnaanani nalunaarpat, ataatsimiitsitami ilaasortatut sinniisuminik aggersaasinnaassanngilaq.

Qinikkanut Allatseqarfiup Meeqqanut Atuarfeqarnermullu Ataatsimiititap ataatsimiinnissai angalanissaalu inissitsiterpai, ataatsimiititap ataavartut allat, Aningaasaqarnermut Inuussutissarsiornermullu Ataatsimiititap Kommunalbestyrelsillu ataatsimiinnissaat angalanissaallu, kiisalu sulinnigfeqarnerit nalliuttullu eqqarsaatigalugit. Tamatuma saniatigut allaffissornikkut

piffissamut killissarititaasut eqqarsaatigineqarput, suliat sapinngisamik sivikinnerpaaq atorlugu suliarineqarniassammata.

Meeqqanut Atuarfeqarnermullu Ataatsimiititaq ukiumut arfineq-pingasoriarluni ileqquusumik ataatsimiinnissaa, kiisalu ataatsimiinnerit marlunnornikkut nal. 16.00 ingerlanneqartarnissaat siunnersuutigineqarpoq. (septemberi qaammat minillugu, tassani ataatsimiinneq pingasunngornermi nal. 16.00 ingerlanneqarnissaa siunnersuutigineqarpoq. Tamanna missingersuusutunik suliaqartoqarnissaanik peqquteqarpoq). Ilanngullugu Meeqqanut Atuarfeqarnermullu Ataatsimiititaq paasisassarsiorluni ulluni ukunani 03.04.19 - 06.04.19 Paamiuniinnissaa aamma ulluni ukunani 09.10.19 – 12.10.19 Tasiilamiinnissaa siunnersuutigineqarpoq. Ullut tassaapput ataatsimiititap ornitaminniinnissaa. Taamaattorli angallannermut pissutsit kisiisa peqqutigalugit ullunik allannguisoqarsinnaanera sillimaffigineqassaaq.

Aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Inatsisitigut tunngavissaq allakkallu tunngaviusumik uppersaatitallit

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Ingerlariaqqinnissaq

2019-imi politikikkikkut ataatsimiiffissat Naalakkersuisunut nassiunneqassapput. (Ilanngussaq 1)

Ataatsimiitsitat angalasarnissaat Qinikkat Allatseqarfiata ataqatigiissaarlugillu ingerlattassavai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaateqartinneqanngilaq.

Innuttaasunik peqataatitsineq/attaveqaqatigiinneq

2019-imi Politikikkikkut ataatsimiiffissat ullui (Ilannguaq 1) kommunip nittartagaanut tamanut saqqummiunneqassapput aamma ataatsimiinnerni oqaluuserisassat imaqarniiallu tamanut saqqummiunneqartassallutik. Politikikkikkut ataatsimiiffissat ullui aamma kommunip allaffeqarfiata immikkoortortaanni pissarsiarineqarsinnaassapput.

Ingerlatsivinniit allaniit oqaaseqaatigineqartut

Soqanngilaq.

Ilanngussat

1. 2019-imi politikikkikkut ataatsimiiffissatut siunnersuutit
2. 2019-imi politikikkikkut ataatsimiiffissatut, ataatsimiitsitallu paasisassarsiorlutik angalaffissaatut siunnersuut.
3. Qinigaaffik 2017-2021-imi ataatsimiitsitat angalanissaannut malittarisassat

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: 2019-imut missingersuutissat aappassaaneernejarnissaat

Beslutning

MA Ingerlatsineq:

MA1 Akuersissutigineqarpoq

MA 2 Itigartinneqarpoq

MA 3 Itigartinneqarpoq

MA 4 Itigartinneqarpoq

MA 5 Akuersissutigineqarpoq

MA 6 Akuersissutigineqarpoq

MA 7 Itigartinneqarpoq

MA 8 Itigartinneqarpoq

P1 MA Akuersissutigineqarpoq

P2 MA Akuersissutigineqarpoq

P3 MA Akuersissutigineqarpoq

P4 MA Akuersissutigineqarpoq

P5 MA Akuersissutigineqarpoq

P6 MA Akuersissutigineqarpoq

P7 MA Itigartinneqarpoq

P8 MA Akuersissutigineqarpoq

MA Sanaartorneq

P1 MA Akuersissutigineqarpoq

P3 MA Akuersissutigineqarpoq

P6 MA Itigartinneqarpoq

SA BB 2 Akuersissutigineqarpoq

MA Akit

Akuersissutigineqarpoq.

Bilag

Bilag_1_MA_drift_samlet_grl.pdf

Bilag_2_MA_anlæg_samlet_grl.pdf

Bilag_3_MA_Takster_2.behandling_dk+grl.pdf

Bilag_3_MA_Takster_2.behandling_dk+grl.xlsx

2019-imut missingersuutissat aappassaaneerneqarnissaat – suliassaqarfinnut agguataarlugit

Aalajangiiffigisassaq

J.nr.:06.01.06

Suliffeqarfimmi Kiffartuusivik - Kommunaldirektøri, Lars Møller-Sørensen/LMSR

Suliassamik eqikkaaneq

Kommunit aqunneqarnerat pillugu inatsit naapertorlugu ukiumi tulliuuttumi missingersuutit Kommunalbestyrelsimi marloriarlugit suliarineqassapput ullunik 14-inik akunnilerlugit.

Missingersuutit siullermeerneqarnerat kommunalbestyrelsip oktoobarip aappaani 2018 ataatsimiinnerani pivoq.

Siullermeerinninnerup kingorna missingersuutissatut siunnersuutit allaffeqarfimmi pitsaassusaat qulakkeerneqarpoq - tamatumunngalu atatillugu missingersuutitigut allannguutissanik siunnersuutissaqartoqarpoq. Sinneqartoortissatut anguniagassat 75 mio kr-nut amerlassusilerneqarput, taakkulu angunissaannut ileqqaarutissat 16,2 mio kr.-it amigaatigineqarput. Taamaattumik allaffeqarfik ileqqaarutissanik 22.4 mio kr.-nik nassiussaqqarpoq. Tamatuma saniatigut politikikkut allannguutissatut siunnersuutinik pissarsisoqarpoq, taakkulu ataatsimiitit susassaqqartut isummerfigissavaat.

Maannakkorpiaq 2019-imut sanaartugassanut kissaatigineqartut 341 mio. kr.-nik naleqarput, taakkulu allaffeqarfiup innersuussutigai sapinngisamik 311 mio. kr.-it pallissagaat, sinneqartoortissatut anguniakkanut 75 mio. kr.-nut tunngatillugu aammalu ingerlatsiviup kivissallugu suna piviusorsioruunersoq aammalu siullermeerneqarnerannit angusat eqqarsaatigalugit.

Aappassaaneerinninnissamut tunngatillugu allannguutissatut siunnersuutit arlallit akuersissutigineqartussaapput imaluunniit itigartitsissutigineqartussaapput. Allannguutissatut siunnersuutit pissarsiarineqartut, ingerlatsinermut tunngatillugu isummerfigineqartussat ilanngussaq 1-imi takuneqarsinnaapput. Taavalu sanaartornermut tunngasut ilanngussaq 2-mi takuneqarsinnaapput. Taavalu akigitinneqartussat ilaliussatut 3-tut ilanngunneqarput.

Inassuteqaat

Suliffeqarfimmi Kiffartuusivik Meeqqaut Atuarfeqarnermullu Ataatsimiititamut inassuteqaatigaa:

- ilanngussaq 1-imi ingerlatsinermut tunngasuni allannguutissatut siunnersuutit isummerfigineqassasut, taamaalillutik missingersuutissatut siunnersuummut Aningaasaqarnermut Ataatsimiititamut Kommunalbestyrelsimullu inaarutaasumik aalajangiiffigisassatut ingerlateqqinneqartunut ilanngunneqarniassammata.
- ilanngussaq 2-mi sanaartugassanut tunngasuni allannguutissatut siunnersuutit isummerfigineqassasut, taamaalillutik missingersuutissatut siunnersuummut Aningaasaqarnermut Ataatsimiititamut Kommunalbestyrelsimullu inaarutaasumik aalajangiiffigisassatut ingerlateqqinneqartunut ilanngunneqarniassammata.
- Akigitinneqartussatut saqqummiunneqartut akuersissutigineqassasut (ILANNGUSSAQ 3)

Suliassamik saqqummiussineq

Kommunit aqunneqarnerat pillugu inatsit naapertorlugu ukiumi tulliuuttumi missingersuutit Kommunalbestyrelsimi marloriarlugit suliarineqassapput ullunik 14-inik akunnilerlugit.

Missingersuutit siullermeerneqarnerat kommunalbestyrelsip oktoobarip aappaani 2018 ataatsimiinnerani pivoq.

Siullermeerinninnerup kingorna missingersuutissatut siunnersuutit allaffeqarfimmi pitsaassusaat qulakkeerneqarpoq - tamatumunngalu atatillugu missingersuutitigut allannguutissanik siunnersuutissaqartoqarpoq. Sinneqartoorutissatut anguniagassat 75 mio. kr.-nut amerlassusilerneqarput, taakkulu angunissaannut ileqqaarutissat 16,2 mio. kr.-it amigaatigineqarput. Taamaattumik allaffeqarfik ileqqaarutissanik 22.4 mio. kr.-nik nassiussaqqarpoq. Tamakkua saniatigut politikikkut allannguutissatut siunnersuutit pissarsiarineqarput.

Maannakkorpiag 2019-imut sanaartugassanut kissaatigineqartut 341 mio. kr.-nik naleqarput, taakkulu allaffeqarfiup innersuussutigai sapinngisamik 311 mio. kr.-it pallissagaat, sinneqartoorutissatut anguniakkanut 75 mio. kr.-nut tunngatillugu aammalu ingerlatsiviup kivissallugu suna piviusorsioruunersoq aammalu siullermeerneqarnerannit angusat eqqarsaatigalugit.

Aappassaaneerinninnissamut tunngatillugu allannguutissatut siunnersuutit arlallit akuersissutigineqartussaapput imaluunniit itigartitsissutigineqartussaapput. Allannguutissatut siunnersuutit pissarsiarineqartut, ingerlatsinermut tunngatillugu isummerfigineqartussat ilanngussaq 1-imi takuneqarsinnaapput. Taavalu sanaartornermut tunngasut ilanngussaq 2-mi takuneqarsinnaapput.

Akigititassat ilanngussaq 3-tut ilanngunneqarput. Allannguutit periarfissat allattorsimaffiini ilanngussaq 1-imi takuneqarsinnaapput.

Aaqqiissutissatut siunnersuut – suliatigut naliliineq

2019-imut ukiunullu tulluuttunut 2020-2022-imut inaarutaasumik missingersuutissanut allannguutissatut siunnersuutit ataasiakkaat ilanngunneqassanersut, immikkut isummerfigineqassapput.

Kisianni ataatsimiititat ataavartut allannguutissatut siunnersuutini allannguutissatut siunnersuutininik aningaasartaasigut, piffissaliunneqartut nikinnerinik imaluunniit siunnersuutigineqartumut tunngatillugu allannguutissanik allanik allannguuteqartitsinnaapput.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaatitalit

Kommunit aqunneqarnerat pillugu Inatsisartut inatsisaat nr. 22, 22. november 2010-meersoq aamma Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq.

Ingerlariaqqinnissaq

Ataatsimiititani ataavartuni aammalu Aningaasaqarnermut Inuussutissarsiornermullu Ataatsimiititami oqaluuserineqareerpat missingersuutissatut siunnersuut ataatsimiititap allannguutissatut siunnersuutitakuersissutai ilanngullugit Kommunalbestyrelsimut inaarutaasumik akuersissutigisassanngorlugu ingerlateqqinneqassaaq.

Aningaasatigut naatsorsuinerit missingersuutitigullu oqaaseqaatigineqartut Kommunalbestyrelsimut ingerlateqqinnginnerini Aningaasaqarnermut Ataatsimiititami aalajangerneqartut naapertorlugit kingunerisassatigut iluarsissuteqarfineqassapput.

Missingersuutit akuersissutigineriniit kingusinnerpaamik ullut 14-it qaangiuppata, Aqutsinermut inatsit naapertorlugu kommunimi innuttaasunit takuneqarsinnaalissapput. Aammattaaq ukiup

naannginnerani kommunimi innuttaasunut, imaluunniit najukkami tusagassiorfinnut missingersuutip imarisai tamanut nalunaarutigineqassapput.

Aningaasaqarnermut Allatseqarfimmit oqaaseqaatit

Soqanngilaq.

Oqaaseqaatigineqartut allat

Soqanngilaq

Ilangussaq

1: Ingerlatsinermut missingersuutini allannguutissatutsiunnersuutit

2: Sanaartugassanut allannguutissatut siunnersuutit

3: Akit allattorsimaffiattut siunnersuutit

Punkt 05B: Nukarlerni tuluttut atuartitsinermi pitsaassutsimik nalilersuineq

Beslutning

Ilisimatitsissut tusaatissatut tiguneqarpoq, suliarlu Aningaasaqarnermut Inuussutissarsiornermullu Ataatsimiititaliamut Kommunalbetyrelsimullu ilisimatitsissutissatut ingerlateqqillugu.

Bilag

Rapport-om-udvidet-engelsk - KAL.pdf

Nukarlerni tuluttut atuartitsinermi pitsaassutsimik nalilersuineq

Ilisimatitsissut

J.nr.: 51.00-G01-334-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Ukioq atuarfiusoq 17/18 aallarnerfigalugu Kommuneqarfik Sermersuup atuarfiini tuluttoortitsisarneq 1. klassimiit aallartippoq. Sapaatip-akunneranut ataasiarluni 1. klassimiit 3. klassimut atuartut tuluttoortarnerat akunnermik ataatsimik ilaneqarput.

Atuartut tuluttut pikkorinnerulernissaat, taamalu ilinniarnermi angusaqarluarnissaat siunertaavoq.

Matumani suliassami saqqummiussinermi nalilersuinerit ingerlanneqartussat tullerit siullersaraat. Immikkoortoq siullermi pitsaassutimik nalilersuisoqassaaq, immikkoortup tulliani, ukioq atuarfiusoq 2020/21-p naanerani, pitsaassutsimik annertussusaannillu nalilersuisoqassaaq.

Maanna kommunimi atuarfinni annertusisamik tuluttoortarneq - 1. klassimiit tuluttoortarneq - ukioq ataaseq ingerlanneqareerpoq. Pitsaassutsimik naliliineq tunngavigalugu, tassa atuarfikkuutaartumik ilinniartitsisut aalajangersimasut apersorneqarlutik peqataaffigisaanni, meeqqat atuarfianni ukiup siulliup ingerlanneqarnera nalilersorneqarpoq.

Nalinginnaasumik akissutaasut ilagaat, klassini nukarlerni tuluttut atuartitsinerup aallartinneqarnera unamminarlunilu pissanganarsimasoq. Atuartut tuluttoortarneq assut nuannaraat, akunnernilu atuartitsiviusuni assut kajumissuseqarlutillu tunniusimasimapput.

Ukioq atuartitsiviusoq 18/19 sioqqullugu ilinniartitsisut siusissukkut oqaatsinik ilinniarnermik aallartitsisarneq pillugu pikkorissarnermut peqataapput. Siusissukkut oqaatsinik ilinniarnermut tunngasunik assigiinngitsunik periutsinik ilinniartitsisut saqqummiivigineqarput. Siusissukkut tuluttut atuartitsinermut pilersaarusiornissamut ingerlatsinissamullu ilinniartitsisut ilisimasanik atortussanillu tuniorarneqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq
- Suliaq Aningaasaqarnermut Ataatsimiititamut ilisimatitsissutitut ingerlateqqinneqassasoq
- Suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ukioq atuartitsiviusoq siulleq annertusisamik tuluttoortitsisarnerup ingerlanneqarnera ilinniartitsisunut ilungersunarunilu unamminarsimavoq. Taamaattorli nukarliit klassianni atuartitsineq faginut atuartullu ataatsimoornerannut pissarsiffiusimasoq ilinniartitsisut amerlanerit isumaqatigiissutigaa.

Ilinniartitsisut oqaatigaa tuluttut ilinniartitsineq assut nuannaralugu. Ilinniartitsisunut naqqaniit

tuluttut atuartitsineq assut pissanganarsimavoq unammillernarlunilu ilikkagaqarnarluni. Atuarfinni tuluttoortitsisarneq pinnguarneq aallaavigalugu ingerlanneqarpoq, ilinniartitsisullu isumaqarput, tamanna atuartunit tigulluarneqarneranut pissutaasut ilagigaat. Atuartut tuluttoornissaminnut assut qilanaartartut ilinniartitsisut arlallit oqaluttuaraat, tuluttooraangamillu tunniusimalluarlutik piumasuseqartarlutik.

Atuarfeqarnermut Immikkoortortaqaarfimmit pinnguarneq aallaavigalugu atuartut tuluttut ilikkariartornissaat siunertaasimavoq. Ilinniartitsisut atuartitsinissaannut killiliussat siamasissuupput, taamaalillutik atuartunut naleqqussaallutik namminneq atuartitsineq ingerlassinnaassavaat. Tamatumunnga najoqquataqarani ilikkagassatullu anguniakkanik peqarani tuluttoortitsisarnerup aallartinniarnera ajornakusoorsimasoq ilinniartitsisut oqaatigaat. Atuartitsinermut piunasaqaatit suunersut nalullugit killiliussanik aalajangersaanissaq ajornakusoortissimavaat.

Naak aallaqqaataani qulartoqaraluarluni ilungersortoqarlunilu fagimik nutaamik taamatut periuseqarluni aallartitsineq pitsaasuusimasoq ilikkagaqarfiusimasorlu ilinniartitsisut oqaatigaat. Tunngaviit aallaaviginagit periutsit aallaavigineqarput, taamalu atuartut inissisimaffiat aallaaviginerusinnaasimallugu misigisimasimapput, taamalu atuartitsinerup pilersarusiornera ingerlanneralu kiffaanngissuseqarnerullutik ingerlassinnaasimavaat.

Aaqqiissutissatut siunnersuut – suliatigut naliliineq

Atuarfeqarnermut Immikkoortortaqaarfimmit ilinniagassatut anguniakkat suliarineqarnissaat ilinniartitsisunit kissaatigineqarnerasoq paasiniallugu oqaloqatiginninnerit ingerlanneqarput.

Nukarlernut tuluttoortitsisartunut naapittarfissamik (forum) pilersitsinissaq sulissutigineqarpoq, tassani misilittakkanik atuartitsissutinillu avitseqatigiissinnaassapput. Ilinniartitsisut nammineq naapittarfissamik (forum) pilersitsissapput.

Ataavartumik nukarlernut tuluttoortitsisartut, atuartitsinerup ingerlannissaanut piareersimaniassammata, piginnaasassanik paasissutissanillu pisariaqartitaminnik tunineqarnissaat sulissutigineqartassaaq.

Aningaasaqarnikkut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitallit

Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ingerlariaqqinnissaq

Ilinniartitsisunit kissaatigineqarpat Atuarfeqarnermut Immikkoortortamit tuluttoortitsisartut aallarniutigalugu ataatsimiittarnerat aaqqissuunneqassaaq, tassanilu nukarlernut tuluttoortitsisarnermut ilikkagassatut anguniakkat suliarineqarnissaat periarfissaassaaq. Ilinniartitsisut namminneq ilikkagassatut anguniagassat naammassineqarnissaat isumagissavaat.

Tuluttoortitsisartut ataatsimut naapittarfissaat (forum), tassani tuluttoortitsisartut misilittakkaminnik atuartitsissutinillu avitseqatigiissinnaasassapput. Ilinniartitsisut namminneq naapittarfissap aallartinnissaa isumagissavaat.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqartinneqanngilaq.

Innuttaasunik peqataatitsineq/Attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilangussat

Ilangussaq 1 – Annertusisamik tuluttoortarneq pillugu nalunaarussiaq - danskisut

Bilag 2 – Annertusisamik tuluttoortarneq pillugu nalunaarussiaq - kalaallisut

Punkt 05C: Sunngiffimmi atuartitsineq 2018 - 2019

Beslutning

Inassuteqaatit akuerineqarput, suliarlu Aningaasaqarnermut Inuussutissarsiornermullu Ataatsimiititaliamut Kommunalbetyrelsimullu ilisimatitsissutissatut ingerlateqqillugu.

Bilag

Ilanngussa_ Holdit tamakkerlutik allattorsimaffiat.docx

Sunngiffimmi atuartitsineq 2018 - 2019

Meeqqanut inersimasunullu

Ilisimatitsissut

J.nr.: 55:03

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Kulturikkut ingerlatsineq sunngiffimmi sammisartitsineq pillugit Inatsisartut peqqussutaat naapertorlugu Meeqqanut Atuarfeqarnermullu ingerlatsiviup matumuuna saqqummiuppa, kommune tamakkerlugu meeqqanut inersimasunullu sunngiffimmi atuartitsinerit pilersaarut pillugu ilisimatitsissut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatiga:

- Ilisimatitsissut tusaatissatut tiguneqassasoq
- Ilisimatitsissut Aningaasaqarnermut Inuussutissarsionermullu Ataatsimiititamat aamma Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Meeqqanut inersimasunullu sunngiffimmi atuartitsinerit ulloq oktobarip 15-iat 2018 aallartinneqassapput, ingerlanneqassallutillu aprili 2018 tungaanut. Sunngiffimmi atuartitsinerit naggataarnersiorlugit arfininngornermi saqqummersitsisoqarumaarpoq.

Ukiq manna atuartitsisussanut tunngasoq qulakkeerniarlugu Kommuneqarfik Sermersuumi nunaqarfinni aqutsisut attavigineqareerput.

Ilanngussani qulequttat ilanngunneqarsimasunut innersuussilluni oqaatigineqarsinnaavoq, makkununga neqerooruteqartoqarumaartoq:

- | | |
|---------------------|---|
| - Paamiut | meeqqanut holdit 7 – inersimasunut holdit 2 |
| - Arsurk | meeqqanut holdit 0 – inersimasunut holdit 1 |
| - Tasiilaq | meeqqanut holdit 3 - inersimasunut holdit 3 |
| - Kulusuk | meeqqanut holdit 2 |
| - Tiniteqilaaq | meeqqanut holdit 2 |
| - Ittoqqortoormiit | meeqqanut holdit 2 |
| - Nuuk | meeqqanut holdit 39 - inersimasunut holdit 18 |
| - Qeqertarsuatsiaat | meeqqanut holdit 0 - inersimasunut holdit 5 |
| - Kapisillit | meeqqanut holdit 2 – inersimasunut holdit 1 |

Aaqqiissutissatut siunnersuut – suliatigut naliliineq

Sunngiffimmi atuartitsissutigineqarsinnaasunik suli allanik ingerlatsivik periarfissarsiullattaassaaq.

Aningaasaqarnikkut sulisoqarnikkullu naliliinerit

Sunngiffimmi atuartitsisarnerit immikkut kontoqarput konto 404050502 kiisalu 404050503. Ingerlatsiviup missingersuutit eqqortinneqarnissaat qulakkiissavaa.

Inatsisitigut tunngavissaq allakkallu tunngaviusumik uppersaatitallit

Kulturikkut ingerlatsineq sunngiffimmilu sammisaqartitsineq pillugit Inatsisartut peqqussutaat nr 5, 6 maj 2016-imeersoq.

Naalackersuisooqatigiinnissamik isumaqatigiisummi 2017-2021 iliuserisassat MA43 - Sunngiffimmi neqeroorutit akeqanngitsut ineriartortinneqassapput

Ingerlariaqqinnissaq

Oktobarip tungaanut amerlanerusunik atuartitsisussarsiorneq suli ingerlavoq. Sunngiffimmi neqeroorutit sap.ak. 39-imi tamanut saqqummiunneqassapput. Sapaatip-akunnerini 39-mi aamma 40-mi innuttaasut peqataaniarlutik sullissivik aqutigalugu nalunaarnissamut periarfissaqarput. Sunngiffimmi sammisassaqartitsineq sapaatip-akunnera 42-mi aallartissaaq aprilimilu 2019-imi naassalluni..

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit allanik oqaaseqaatissaqartoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussaq

Ilanngussaq: Holdit tamakkerlutik allattorsimaffiat

Punkt 05D: Islandimi periuseq atorneqartoq

Beslutning

Inassuteqaatit akuerineqarput, suliarlu Aningaasaqarnermut Inuussutissarsiornermullu Ataatsimiititaliamut Kommunalbetyrelsimullu ilisimatitsissutissatut ingerlateqqillugu.

Bilag

ForÅldrepagt-Island_21622_KAL.pdf

Natura workshop Jon Sigfussonpdf.pdf

Natura workshop Inga Dora pdf.pdf

Natura Workshop Alfgeir presentation 1pdf.pdf

Natura Alfgeir presentation 2pdf.pdf

Islandimi periuseq atornerqartoq

Aalajangiiffigisassaq

J. nr. : 51.00-G01-116-18

Meeqqanut Atuarfeqarnermullu Ingerlatsivik – Pisortaq Helene Broberg Berthelsen / HEBE

Suliassamik eqikkaaneq

Kommunip atuarfeqarneq pillugu politikiani takorluukkat ilaat tassaavoq, atuarfik ammasuussasooq peqataatitsisuussasorlu, ataatsimoorluta kivitseqatigiiffigisarput. Ataatsimoorluta kivitsiniassagutta, meeqqat atuarfiannut attuumassuteqartut illuatungeriit tamarmik suleqatigiinneri nukittorsarneqartariaqarput.

Islandimi ukiuni 20-ni kingullerni suliarineqarsimavoq kikkut tamaasa pisussaaffilerlugit ataatsimoorussitillugit periuseq atorlugu ineriartortitsisoqarluni. Suleqatigiinneq Islandimi meeqqat inuusuttullu akornanni pitsaasumik ineriartorsimavoq.

Atuarfeqarnermut Immikkoortortaq aamma Ulluunerani neqeroorutit Islandimut paasisassarsiornera aallaavigalugu meeqqat ulluinnarni inuunerannut tunngassuteqartut assigiinngitsut suleqatigiinnerisa siunissami qanoq ililluni nukittorsarneqarsinnaanersut pillugit siunnersuutiniq saqqummiussisoqarpoq. Pilersaaruterput (pilersaarut/iliuusissatut pilersaarut) pingasunngorlugu immikkoortinneqarpoq, alloriarneq siulleq tassaassalluni, suliamik saqqummiussissummi matumani isummerfigisassaq.

Alloriarneq siulleq tassaavoq, meeqqat atuarfianni angajoqqaanik peqataatitsiniartarnerup nukittorsarneqarnissanut suliniutissat.

Alloriarnerup aappaani Peqqinnermut Susasaqartitsinermullu Immikkoortortamik suleqateqarneq aallartinneqassaaq, meeqqat sunngiffimmi sammisartagaat pillugit annertusisamik aaqqissuussamillu suleqatigiinnissamut tunngatillugu. Taamatut suleqatigiinneq ungasinnerusoq eqqarsaatigalugu aaqqiissuteqartoqarneranik kinguneqassaaq, najukkami klubbit peqatigiiffiillu, atuarfinnik allanillu suleqateqarlutik, inuusuttut sunngiffimmini periarfissaannik aaqqissuussisuusarlutik.

Alloriarnerit pingajuanni ESRA suleqatigineqalissaaq, Islandimi periutsitut atornerqartumik ilisimatusartuusut. ESRA apeqqutiniq akisassanik kommunimut tunngasunik suliaqassaaq, paasisutissat katersorneqarlutik misissoqqissaarneqarlutillu. Paasisutissat katersorneqartut atornerqassapput kommunimi atuarfinnilu ataasiakkaani meeqqanut inuusuttunullu pitsaaliuinnermut tunngasunik suliaqarnissamut atatillugu.

Isumaqarpugut alloriarnerit tamarmik kommunimi meeqqat atuarfiini ungasinnerusoq eqqarsaatigalugu iluarisimaarinnermik ilikkagassanillu nukittorsaanermut iluaqutaajumaartut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ataatsimiititaq Islandimi periuseq atorneqartoq tunngavigalugu suliamik ingerlatitseqqinnissaa pillugu aalajangiissasoq.
- Suliaq Aningaasaqarnermut Inuusutissarsionermullu Ataatsimiitamat Kommunalbestyrelsimullu tusaatissatut ingerlateqqinneqassasoq

Suliassamik saqqummiussineq

Islandimi inuusuttut pissuserisaannik periuseq malunnaatilimmik allannguerejujussuartitsisoq atorlugu ukiuni 20-ni kingullerni suliaqartoqarsimavoq. Periuserineqartoq taanna ilisimatuussutsikkut paasisanik aallaaveqarpoq, politikikkut aalajangiinernut toqqammaviliisumik. Periuserineqartumik tunngaviumsumik pingaarutilimmik eqqarsaataasimavoq, kinguneqarluartumik pissuserisanik allannguissagaanni pitsaanngitsumik pissusilersorneq allatut illuatungilertariaqartoq. Pitsaaliuineranut tunngasunik assigiinngitsunik atuilersitsinikkut, inuusuttut aanngajaarniutinik atuinerat 1998-imiit 2017-ip tungaanut apparuarujussuarsimavoq 42%-iniit 5-inut.

Islandimi misissuisoqarmat takuneqarsinnaasimavoq, meeqqat pitsaasumik ineriartortinneqassappat angajoqqaat pingaarutilerujussuusut. Angajoqqaat meeqqamik ulluinnarni inuunerannut, atuarnerrannut sunngiffiinilu peqataanerat meeqqanut tamanut pitsaasumik kinguneqarsimavoq, meeqqat klasseniittut angajoqqaat peqataaffigisaat kisiisa eqqarsaatiginagit.

Periutsimi Islandimi atorneqartumi angajoqqaat peqataatinneqarneri tassaapput annertunerusumik sammineqarsimasut. Qinikkat, kommunit atuarfiillu ersarissunik malittarisassaliorsimapput, angajoqqaanut suut naatsorsuutigineqarnerisut pillugit. Qinikkat ersarissunik perorsaanermut tunngasunik oqariartuuteqarsimapput, soorlu meeqqat angerlarsimasassasut, qanoq sivilutigisumik sinittarnissaat iluaqutaassasoq, aammalu angajoqqaat meeqqamik najornissaannut piffissamik sivilunerusumik atuisassasut.

Qaammarsaanerit aallartinneqarsimapput, taakkulu aqqutigalugit angajoqqaat oqaluttuullugit, angajoqqaat meeqqaminnik pitsaanerpaamik tapersersuinissaannut tunngasunik atuartinneqarsimanerik.

Suliniutitut atuutilersinneqarsimasut ilaat tassaapput:

- Qinikkat ilisimatuut misissuinerisa kingunerisaannik Islandimi inuiaqatigiinni suliniutigineqartussanut najoqqutassanik saqqummiussaqaarsimapput. Nunarsuaq tamakkerlugu ilisimatusarnikkut angusat Islandimilu paasisat tunngavigalugit ilisimatuut suliniuteqarfissanik erseqqissunik aallartinneqartussanik saqqummiussaqaarsimapput. Qinikkat tassaasimapput innuttaasunut nalunaarutiginnittut innersuussuteqartullu.
- Qinikkanit nalunaarutigineqartut ilagaat meeqqat inuusuttullu angerlarsimaannartassasut. Angerlarsimaannaqqusineq inerteqqutaanngikkaluarluni najoqqutassaannaavoq. 13-it inorlugit ukioqaraanni kingusinnerpaamik nal. 20:00 angerlarsimareertoqassaaq. 13-16-inik ukiullit nal 22.00-imiit angerlarsimaannaqquneqarput. Aasakkut angerlarsimaannaqqusineq nal. ak. marlunnik ilaneqartarpoq.
- Angajoqqaat angajoqqaanut isumaqatigiisummik atsiortinneqartarput, tassanilu angajoqqaat meeqqaminnut akisussaaffii erseqqissarneqartarput. Isumaqatigiisummi ilaatigut allasimavoq, angajoqqaat isumagissagaat, meeqqat inersimasumik peqateqartinnatik fistertuni peqataassanngitsut. Aamma atsiornermikkut

uppernarsartarpaat, angerlarsimaffimmi tupa, imigassaq aanngajaarniutillu allat atugaassanngitsut.

- Aaqqusinerni angajoqqaat nakkutilliisuutinneqartarput, angerlarsimaannaqqusinerullu avataani meeqqanik aneertunik angerlartitsinissaq isumagisarlugu. Angajoqqaanik nakkutilliisuutitaqartarneq kajumissuseq tunngavigalugu sulineruvoq, taakkulu unnuarissanut assersuunneqarsinnaapput.
- Attuumassutilli tamarmik meeqqanik sullitaqartut suleqatigiissinneri aaqqissuunneqarsimavoq nukittorsarneqarlunilu.
- Suliniutitut aallartinneqarsimavoq "atuareernerup kingorna sammisassat aammalu inuusuttut ornittagaat" – after-school programs and youth centers. Meeqqat sunngiffimmi sammisassani peqataassapput – sunngiffimmi sammisassanut peqataatitsinermut meeqqamut ataatsimut ukiumut 4000 koruuninik tapiissuteqartoqartarpoq.
- Sunngiffimmi sammisassaqtitsiviit atuarfillu suleqatigiissinneri aaqqissugaapput annertusineqarlutillu.
- Periuseq Islandimi atorneqartoq ilisimatusarnermit tunngaveqarpoq – Ukiut tamaasa nuna tamakkerlugu apeqqutinik akisassanik misissuisoqartarpoq ESRA-mit suliarineqartunik, apeqqutillu akisassat tunngavigalugit misissuueqqissaartoqartarpoq suliniutissanik suliareqqinneqartussanik ilallugu. Misissuineq pitsaaliuinermit paasinninnermut sulinermit ilaatinneqartumut pingaarutilerujussuvoq. Misissuineq tunngavigalugu atuarfiit ataasiakkaat paasissutissanik pissarsisarput, pitsaaliuinermit sulinermit atorneqarsinnaasunik.

Aaqqiissutissatut siunnersuut – suliatigut naliliineq

Atuarfeqarnermut immikkoortortap suleriaqqinnissaq immikkoortunut arlalinnut agguataarniarpaat. Ataani allaaserineqarpoq alloriarneq siulleg. Alloriaqqinnissanut tulliuuttunut siunnersuutit matumani kingusinnerusukkat allaaserineqassapput.

Paasisat qulaani taaneqartut tunngavigalugit Atuarfeqarnermut Immikkoortortap siunnersuutigaa, Kommuneqarfik Sermersooq angajoqqaajuneq pillugu paasititsiniaanermik aallartitsissasoq. Paasititsiniaanermi ajornanngippat MIO suleqatigalugu, meeqqat pitsaanerpaamik atugaqartinneqarnissaannut tunngasunik pitsaasunik siunnersuuteqarfiullunilu innersuussuteqarfiussaaq. Tamatuma saniatigut, angajoqqaajulluarneq pillugu paasititsiniaanermut atatillugu saqqummiussinerit sivikitsumillu pikkorissartitsinerit iluaqutaassaaq.

Periutsini Islandimi atorneqartumi takuneqarsinnaavoq, angajoqqaat peqataatinneqarnerisigut pitsaasunik kinguneqartartoq. Angajoqqaanik taamatut peqataatitsinikkut meeqqat atuarfianni annertunerusumik angajoqqaanik suleqateqarneq nukittorsarneqartarpoq. Islandimi angajoqqaat isumaqatigiissummik atsiortinneqartarput, taanna aqutigalugu angajoqqaat akisussaananermik meeqqamillu atuarnernik peqataanissamut pisussaaffilerneqartarlutik. Taamatut angajoqqaanik isumaqatigiissuteqarneq atuarfeqarnermut immikkoortortap isumaa naapertorlugi meeqqat atuarfianni angajoqqaanik peqataatitsineq suleqateqarnerlu pillugit suliniuteqarnermut nukittorsaataassaaq. Ilanngussat takusigit.

Periutsini Islandimi atorneqartumi susassaqarfiit meeqqanut attuumassuteqartut suleqatiginissaat annerusumik sammineqarpoq. Suleqatigiinnerup annertusinerata kingunerivaa, meeqqanut

inersimasortaasut sukkanerusumik iliuuseqartarneri, taamaasillutillu ajornartorsiutit annertusivallaalinnginnerini iliuuseqapallattarlutik. Attuumassuteqartut akornanni suleqatigiinnerup annertusineratigut meeqqat pillugit paasisat annertusinerat ilutigalugu najukkani suliniutinik aallartitsisoqarsinnaavoq. Tamatuma kingunerisaanik ingerlatsiviit, MI aamma MA aaqqissuussamik suleqatigiilersinnissaat aallartinneqassaaq. Erseqqissumik oqaatigalugu, isumaginninnermut siunnersortit, inuusuttunik siunnersortit, perorsaasunut siunnersortit, Misi allallu qaninnerusumik pitsaanerusumillu suleqatigiilissapput. Taamatut suliaqarnissaq qanoq ingerlanneqassanersoq pillugu pitsaasumik periusissaliortoqarnissaanik suliallu ingerlanissaanik pilersaarusiortoqarnissaa innersuussutigineqarpoq.

Atuarfeqarnermut Immikkoortortap ataatsimiititamut inassuteqaatigaa:

Atuarfeqarnermut Immikkoortortap innersuussutigaa, Atuarfeqarnermut Susassaqartitsinermullu neqeroorutinut immikkoortortaq suleqatigalugu siunnersuusiortoqassasoq, politikikkut nalunaaruteqarnissamut atorneqartussamik, meeqqat 0-iniit 16-inut ukiullu piffissap ilaani qaqugu angerlarsimaannartassanersut.

Tamatuma saniatigut atuarfeqarnermut immikkoortortap angajoqqaanut isumaqatigiissutip atuutilersinneqarnissaa sulissutiginiarpaa, angajoqqaat meeqqat atuarfiini atsiortillugit.

Aningaasaqarnikkut sulisoqarnikkullu naliliinerit
Soqanngilaq

Inatsisitigut tunngavissaq allakkallu tunngaviusumik uppernarsaatitallit

Suliamik saqqummiussissut qulaani allanneqartoq meeqqat atuarfiini inatsimmut naapertuuppoq: Atuarfik pillugu Inatsisartut inatsisaat nr. 15, 3. december 2012-imeersoq.

Ingerlariaqqinnissaq

Alloriarnerit aappaat: Ingerlariaqqinnissami suliassat tassaapput, Peqqinneq Susassaqartitsinerlu pillugit immikkoortortamik suleqateqalernerq. Taamatut suleqatigiinnerup kingunerissavaa meeqqat inuusuttullu sunngiffimmi sammisassanut peqataanissaannut periarfissanik pitsaanerulersitsinissaq aammalu najukkani klubbiniq, peqatigiiffinnik, atuarfinnik allanillu soqutigisaqartunik suleqateqarnerup nukittorsarneqarnissaa.

Alloriarnerit pingajuat: Ungasinnerusoq eqqarsaatigalugu ESRA-mik, periutsimi Islandimi atorneqartumik ilisimatuunik suleqateqalernissaq aallartisarneqassaaq, apeqqutinik kommuninut tunngasunik suliaqarsinnaasunik misissueqqissaarisinnaasunillu. Paasisat katersorneqartut kommunimi atuarfinilu ataasiakkaani meeqqanut inuusuttunullu pitsaaliuinnermut tunngasunik suliaqarnissamut atorneqassapput.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/Attaveqatigiinneq

Suliap ingerlanerani innuttaasunik peqataatitsisoqanngilaq.

Ingerlatsivinnit allanit oqaaseqaatit

Oqaaseqaatitaqanngillat.

Ilanngussat

Ilanngussaq 1: Angajoqqaanut isumaqatigiissut kalaallisuunngortitaq

Ilanngussaq 2: Pdf - Jon Sigfussonip Islandimi Workshoppertoqarnerani saqqummiussaa.

Ilanngussaq 3: Pdf - Inga Dora Sigfusdottirip Islandimi Workshoppertoqarnerani saqqummiussaa.

Ilanngussaq 4: Pdf 1- Alfgeir Logi Kristjanssonip Islandimi Workshoppertoqarnerani saqqummiussaa.

Ilanngussaq 5: Pdf 2- Alfgeir Logi Kristjanssonip Islandimi Workshoppertoqarnerani saqqummiussaa.

Punkt 05E: Tapiissuteqarnermut malittarisassanik nutarterineq

Beslutning

Siunnersuut nr. 3 akuerineqarpoq

Bilag

Forslag-1-Fornyelse-tilskudsregler-alm 22923_KAL.docx

Forslag-2-Fornyelse-af-tilskudsregler-1-november_22923_KAL.docx

Forslag-3-Fordelings-eksempler-i-fordelingsnøgleprincip-som-er-på-høring-sommeren-2018_KAL.docx

Bilag 4- Tilskudsregler pr 1 april 2014 DA (3).pdf

Bilag 5- Høringssvar fra december 2017.docx

Bilag 6- Høringssvar fra august 2018.docx

Bilag 7 - Høringssvar fra september 2018.docx

Tapiissuteqarnermut malittarisassanik nutarterineq

Susasaqartitsineq aamma timersorneq

Aalajangiiffigisassaq

J. nr.: 55.02

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Tapiiffigineqarsinnaanermi malittarisassasannaasut maajip qaammataani 2014-meersut maannalu atuuttut allanngortinnissaannut Meeqqanut Atuarfeqarnermullu Ingerlatsivik siunnersuusiropoq. Kulturikkut ingerlatsineq sunngiffimmilu sammisasaqartitsineq pillugit Inatsisartut inatsisaat nr. 5, 6. juni 2016-imeersup allannguuteqarnerisa kingunerisaanik allannguuteqartitsinissamut siunnersuuteqartoqarpoq

Suliaq Meeqqanut Atuarfeqarnermullu Ataatsimiititaq 5. novembari 2018 oqaluuserineqarpoq, tassanilu inassuteqaatit ataatsimiititamit siunnersuut nr 3. akuersissutigineqarpoq.

Inassuteqaat

Meeqqanut Atuarfeqarnermullu Ataatsimiititaq inassuteqaatigaa Aningaasaqarnermut Inuussutissarsiornermullu Ataatsimiititamut:

- tapiissuteqarnermut malittarisassanik nutarterineq akuersissutigineqassasoq, aammalu
- suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Susasaqartitsineranut timersornermullu tapiissuteqarnermut malittarisassat nutarterneqassasut Meeqqanut Atuarfeqarnermullu Ingerlatsivimmit aalajangiunneqarpoq. Matumani peqatigiiffiit allaffissornikkut suliaasa annikillinissaat siunertaavoq, aamma aningaasaqarnerminnut akisussaaffeqarnerulernissaat siunertaalluni.

Peqqinnermut Susasaqartitsineramullu Immikkoortortaqarfik pingasunik siunnersuuteqarpoq:

1. Tapiissuteqarnermut malittarisassat maannamut atuuttut annikitsunik iluarsinertalerlugit ingerlaannassapput. Ilangussaq 1 takujuk. Tunngaviummik ukioq naallugu qinnuteqartoqarsinnaavoq, nalinginnaasumillu billettit ulluni tallimani inniminnigaasinnaallutik. Siunnersuut una naapertorlugu ingerlatsineranut tapiiffigitinnissamut, pikkorissarnissamut, nammineq klubbiutigisat ingerlannissaannut tapiiffigitinnissamut, pequtinik pissarsinissamut, timersornermut tunngatillugu sammisasaqartitsineranut soorlu angalanernut qimussimillu sukkaniunnernut tapersiisoqarsinnaavoq.
Maanna tapiissuteqarnermut malittarisassanit atuuttunit allannguutigisavut pingaarnerit tassaapput:
- Meeqqanik innarliisimanginnermut uppersaasatit ilaatinneqarput, tassanilu meeqqanik innarliisimanginnermut uppersaasatinik pissarsinissamut pisussaaffeqarneq pillugu Inatsisartut inatsisaat naapertorlugu sungiusaasunik atorfinitsinnginnermi uppersaasatit peqatigiiffinit pissarsiarineqarnissaannut peqatigiiffiit pisussaaffeqartinneqarlutik. Malugiuk meeqqanik innarliisimanginnermut uppersaateqarnermi periarfissami ataatsimi ilaatinneqarpoq.

- Inuit ataasiakkaat nammineq akilikkaminnik najugarisartik qimallugu pikkorissartunut peqataajartornerannut tunngasoq – tapiissuteqarnermut malittarisassanit peerneqarpoq. Sunngiffik tassaavoq piffissaq inuup meeqqanut suli atualingitsunut, atuartitsinermi, ilinniagaqarnermi, aqqissuussaasumik piginnaangorsaanerme sulinermiluunniit ulluunerani neqeroorutitut atortanngisaa. Tassa imaappoq, pikkorissarnerit piginnaasaqarnerulerfiusussaapput inatsisitigullu tapersersorneqarsinnaanatik, takuuk Kulturikkut ingerlatsineq sunngiffimmilu sammisaqartitsineq pillugit Inatsisartut inatsisaat nr. 5, 6. juuni 2016-imeersoq.
 - Oqaatsinik pikkorissarneq tapiissuteqarnermut malittarisassanit peerneqarpoq. Pikkorissarneq pillugu tunngavilersuutaa assigaa.
 - Erinarsoqatigiinnermut tunngatillugu, § 8.1, 8.2 aamma 8.3 tapiissuteqarnermut malittarisassanit peerneqarput. Erinarsoqatigiinnermut tunngatillugu peqatigiiffittulli allatut periarfissat assigilissavai.
 - Pequtinik atortussanillu pissarsineq malittarisassanit peerneqarput, pissutigalugu qaqutigut atorpeqartaramik.
 - Pokalinut tapiissutit pillugit amerlanerpaamik 5.000 koruuninik tapiisoqarsinnaalerpoq. Pissutigalugu maannakut tapiissuteqarnermut malittarisassani pokalinut tapiissutit killeqartinneqanngimmata.
 - Sakkortuumik timersornermut tunngatillugu angalanerme siumut utimullu billettit akiisa annerpaamik affai qinnutigineqarsinnaatitaasimapput, maanna tapiissuteqarnermi 1.500 koruunimut allanngortinneqarpoq. Aki aalajangersimasooq maanna qinnuteqartartorpassuarnut tunniunneqartareerpoq.
 - Tapiissuteqariaatsit allat tapiissuteqarnermut malittarisassanit peerneqarput, pissutigalugu § 11 sunik tamanik ammaasuugami maannalu tapiissuteqarnermut malittarisassani killilersuisoqalernissaa kissaatigineqarluni
2. Tapiissuteqarnermut malittarisassat imarisai siunnersuut 1-itut ipput, taamaallaat aningaasat atorpeqarnissaannut ukiup siuliani qinnuteqalernerme novembarip aallaqqaataanut killilerneqarpoq. Kingunerisaanik peqatigiiffiit sammisassaqartitsinissaminnut pitsaasumik pilersaarusiortalissapput, peqataanillu tapiiffigitinnermut malittarisassani akit aalajangersimasut procentinngorlugit iluarsiivigisinnaallugit, tassa tamarmik assigiilersillugit. Ukiup ingerlanerani procentit ingerlatsivimmit annikillineqartariaarutissapput. Siunnersuut naapertorlugit billetsit inniminnerneranni peqatigiiffinnit akilernissaat ajornaallissaaq. Aningaasat januaarip aallartinnerani agguanneqassapput. Ilanngussaq 2 takuuk.
 3. Siunnersuutit pingajuat pingaarnertut agguaassinermut tunngasuuvooq. Tamanna ima paasineqassaaq, kommunalbestyrelsen tapiissutitut akuerisaasa ukiuni kingullerme pingasuni peqatigiiffinnut tapiissutaasimasut agguaqatigiisillugit procentinngorlugit tapiissutitut agguanneqartassapput. Ingerlatsivik naatsorsuutigineqarpoq 250.000 koruunit immikkoortinneqassasut, taakkulu peqatigiiffinnit nutaanit imaluunniit peqatigiiffinnit tapiiffigineqarsimangitsunit qinnutigineqarsinnaassallutik. Aningaasanik atorpeqanngitsoortunik peqassappat, taakku peqatigiiffinnut agguanneqassapput. Taamatut tapiissuteqariaaseqarnikkut peqatigiiffiit namminneerlutik ukiup ingerlanissaa pilersaarusiorsinnaavaat, taavalu aningaasat angalaneranut imaluunniit piukkunnartunik inerisaaneranut assigisaannulluunniit atorpeqassanersut aalajangersinnaallugu. Ilanngussaq 3 innersuussutigalugu.

Ingerlatsivik arlaleriarluni tusarniaatitsivoq, taakkunanilu innuttaasut peqatigiiffiillu siunnersuuteqarnissaminnut periarfissinneqarlutik. Akissutit ataatsimut 16-it pissarsiarineqarput tusarniaanerillu marluk kingulliit aningaasaliissutaasartunik pingaarnertut agguaassisarnermut

ilaatigut apeqquteqarfiusumi akissutit 13-it pissarsiarineqarsimapput. Akissutit assigiinngillat, ilaasa siunnersuut 3 qinnuteqarfiusariaqannginnera tunuliaqutigalugu soqutigaat, allalli siunnersuut 3 tulluorsorinngilaat pissartanngorniunnerit ukiumit ukiumut allannortarnerat taannalu peqqutaalluni aningaasartuutit assigiinngisitaarnerat tunuliaqutigalugu 1 imaluunniit 2 atorusunneruaat.

Aaqqiissutissatut siunnersuut – suliatigut naliliineq

Ingerlatsivimmit pingaarnersiuneq innersuussutigineqarpoq.

1. Siunnersuutit pingajuat, pissutigalugu peqatigiiffiit kommunimit tapiissutisiatik namminneerlutik aqussinnaavaat. Pissartanngorniunnerit assigiinngitsut sumiiffimmiit sumiiffimmut allannorarpur tassungalu peqqutaalluni aningaasartuutit ukiumit ukiumut assigiinngisitaarlutik.
2. Siunnersuutit aappaat, peqatigiiffiit piffissaalluartillugu pilersarusiorsinnaapput, kiisalu peqatigiiffiit sulluunniit assigiimmik procenteqartinneqassapput.

Aningaasaqarnikkut sulisoqarnikkullu naliliinerit

Timersornermut tapiissutit aningaasartuutit 2,7 millioniupput.

Siunnersuut 1 naapertorlugu ukiup ingerlanerani tapiissuteqarnermut malittarisassani akigititap allannortinnissaa periarfissaassaaq. akerlianillu siunnersuut 2 aamma 3 naapertorlugit ukiup aallartinnerani aningaasaqarnermut tunngasut pitsaanerusemik malinnaaffigineqarsinnaallutik.

Inatsisitigut tunngavissaq allakkallu tunngaviusumik uppersaataitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq.

Ingerlariaqqinnissaq

Tapiissuteqarnermut malittarisassat akuersissutigineqartut akuersissutigineqarneri inisseriarpata atulersinneqassapput. Allannguutit kommunip nittartagaatigut nalunaarutigineqarpata peqatigiiffiit tamarmik ilisimatinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup malittarisassat ullutsinnut naleqquttut innersuussutigivai – tassani qaffasissuseq annerpaaq kommunalbestyrelsimit immikkoortinneqarnissaanut periarfissaalerluni – ilaatigut tapersorsorusutat eqqarsaatigalugit. Maannakkut malittarisassat malillugit aningaasaliissutit malinneqarnissaat qularnartarpoq.

Siusinnerusukkat aalajangernerit:

Meeqqanut Atuarfeqarnermullu Ataatsimiititaq aalajangiinera, ulloq 5. novembari 2018:

Ataatsimiititap siunnersuut nr 3akuersissutigaa

Innuttaasunik peqataatitsineq/attaveqaqatigiinneq

Arlaleriarluni tusarniaasoqarpoq.

Tusarniaaneq 2017-imi decembarip ulluisa sisamaanni naavoq

Tusarniaaneq 2018-imi aggustip ulluisa aallaqqaataanni naavoq

Tusarniaaneq 2018-imi septembarip ulluisa 27-anni naavoq

Ingerlatsivinnit allanit oqaaseqaatit

Soqanngilaq

Ilanngussat

1. Tapiissuteqarnermut malittarisassatut siunnersuut 1
2. Tapiissuteqarnermut malittarisassatut siunnersuut 2
3. Tapiissuteqarnermut malittarisassatut siunnersuut 3

4. Susassaqartitsinerup timersornerullu iluani tapiissuteqarnermut malittarisassat maanna atuuttut
5. 2017-imi decembarimit tusarniaassummut akissutit
6. 2018-imi aggustimit tusarniaassummut akissutit
7. 2018-imi septembarimit tusarniaassummut akissutit

Punkt 05F: Angajoqqaanut meeqqap meeraaqqerivimmut inissamik allatsissinnaalernissaannut malittarisassanik allanngortitsinissaq pillugu siunnersuut

Beslutning

Inassuteqaatit akuerineqarput

Bilag

Bilag 1 Siunnersuutip nutsernera - KAL.docx

Bilag 2 Tulleriiarineq pillugu najoqqutassaq.docx

Angajoqqaanut meeqqap meeraaqqerivimmu inissamik allatsissinnaalernissaannut malittarisassanik allanngortitsinissaq pillugu siunnersuut

Kommunalbestyrelsimut ilaasortap Randi Vestergaard Evaldsenip (D) Kommunalbestyrelsimut siunnersuutaa

Aalajangiiffigisassaq

J.nr.: 44.02.10.01

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik Kommunalbestyrelsimut ilaasortamit Randi Vestergaard Evaldsenimit (D) marlunnik immikkoortulimmik tigusaqarnikuuvoq:

- Naartusut erninissaq qaammatinik pingasunik sioqqullugu meerartik meeraaqqerivimmu allatsinnissaanut periarfissinneqartalissasut.
- Erninissamut qaammat ataaseq sioqqullugu meeraaqqerivimmu inissarsissunneqarneq kommunimit nalunaarutigineqartussanngortinneqassasoq.

Siunnersuummut siullermut tunngasoq: Oktobari 2013-ip tungaanut naartusut erninissaq qaammatinik arfineq-pingasut miss sioqqullugu meeraaqqerivimmu inissamik allatsissinnaasarnerat periarfissaavoq.

Taamatut periuseqarnerup kingunerisaanik utaqqisut allattorsimaffiat malinnaavigiuminaallisippaa, assersuutigalugu meeraq suli ilumiugineqarnermini ataatsimik ukiulinnit allattorsimaffimmi siullit ilagisinnaammassuk. Taama ittumik utaqqisunut allattorsimaffeqarnermi utaqqisut allattorsimaffianni qanoq inissisimanerluni siumut naatsorsoruminaallsitsisarpoq. Aamma suleriaaseq angajoqqaanit utaqqisut allattorsimaffiannut ilanngunneqartunut paatsoornermik kinguneqartarpoq. Oktobarimi 2013-imi allannguisoqarnerata kinguneranik utaqqisut allattorsimaffiannut ilanngunneqarniaraanni piumasarineqarpoq meeqqap pingasunik qaammateqalersimanissaa. Allannguuteqartitsinerup kingunerisaanik, meeqqerivinnut allatsittoqarnerani angajoqqaanut sullissineq pitsaanerulerlunilu pisariinnerulersimavoq, aamma utaqqisunut allattorsimaffik patajaannerulerlunilu malinnaaffigiuminarnerulersimavoq. Allatsinnissamut piffissap saniatigut, nalilersuutit allat atuupput assersuutigalugu meeqqat ikiortariallit sallerpaatinneqartarneri, imaappoq utaqqisunut allattorsimaffik malinnaaffigiuminaannerulerlunilu siumut naatsorsoruminaallsisarpoq.

Siunnersuutip aappaanut tunngasoq: Ajoraluartumik meeraaqqerivimmu meeqqerivimmullu inissarsinissaq qulakkeerneqarsinnaanngilaq, imaappoq, piffissaalluarallartillugu ingerlatsivik tamatigut nalunaaruteqarsinnaanngilaq. Qaammat ataaseq sioqqullugu nalunaaruteqartarnissaq atuutilersinneqarpat, taava inissat arlalippassuit ingerlaannaq ulikkaarnaviannngillat, qaammatillu ataatsip ingerlareernissaata tungaanut atornerqarsinnaanatik. Tamannalu kikkunnut tamanut naleqqutinngilaq. Meeraq illoqarfimmu/nunamut allamut nuussimatillugu imaluunniit meeqqerivimmu imaluunniit AKO-mut inissaqalernissaminik utaqqitillugu piffissaalluarallartillugu pilersarusiornissaq ajornakusoortorujussuuvoq, inissanik amigaateqartoqartillugulu, piffissaalluarallartillugu ingerlatsiviup nalunaaruteqartarnissaa killeqartorujussuusarpoq.

Angajoqqaarpasuit meeqqaminnik suli inissamik tunineqarsimannnginnertik qaqugulu sulileqqinnissartik pillugu ingerlatsivimmu nalunaariartortarput. Tassunga atatillugu apeqqutigisarpaat, meeqqap qaqugu meeqqerivimmi inissaqalernissaa naatsorsuutigissaneritsik. Taamaattoqartillugu nalinginnaasumik akissutigineqartarpoq suli inissaqalinngitsoq aammalu inissaqalerpat nalunaarfigineqarumaartut. Tassunga pissutaavoq utaqqisut allattorsimaffiat taanna siumut naatsorsoruminaattarmat. Ukiup ilaani piffissami utaqqisut allattorsimaffiat

nikerangaatsiartarpoq, kisianni inissamik tunineqarnissaq qulakkeerneqarneq ajormat, ingerlatsivimmiit qulakkeerisoqarsinnaananilu piffissaalluarallartillugu nalunaartoqarsinnaaneq ajorpoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Ataatsimiititaq aalajangiissasoq
- Suliaq Aningaasaqarnermut Inuusutissarsiornermullu Ataatsimiititamut aamma Kommunalbestyrelsimut inaarutaasumik akuerisassanngorlugu aalajangiiffigisassanngorlugu.

Suliassamik saqqummiussineq

Kommuneqarfik Sermersooq naartusunut erninissaq qaammatit pingasut sioqqullugit meeraaqqerivimmut inissamik allatsissinnaalernissaannut malittarisassaliussasoq pillugu siunnersuut, aammalu erninissamut qaammat ataaseq sioqqullugu meeraaqqerivimmut inissarsissunneqarneq imaluunniit suli utaqqisuniittariaqarneq pillugu kommune nalunaaruteqartussanngortinneqassasoq.

"Angajoqqaanngorlaa erninermut atatillugu sulinngiffeqareernermik kingorna suliartoqqilerunik toqqissillutik meeqqaminnik meeraaqqeriviliaassisinnaanissaat Demokraatit pingaartipaat. Amerlasuutigut ajoraluartumik tamanna pisinnaasannngilaq. Tamanna iliuuseqarfigisaariaqqarpoq.

Ullumikkut ajoraluartumik imaappoq, meeraq meeraaqqerivimmi inissamut allatsinneqarsinnaavoq aatsaat pingasunik qaammateqaleraangat. Imaappoq, pilersaarusiortoqarsinnaanngilaq allamilluunniit paaqqinniffissarsiuussisoqarsinnaanani. Tamatuma kingunerisaanik sulileqqinnissaq artornartarpoq toqqissisimanaranilu.

Isumaqarpugut, siusinnerujussuakkut meeraq meeqqerivimmi inissamut allatsissinnaasariaqartoq. Taamaasilluta qulakkeersinnaavarput, angajoqqaat aammalumi kommune pilersaarusiornissaminnut piffissaqarnerulaarnissaat.

Isumaqarpugut, naartunermi qaammatit arfinilinnngorsimagaanni, taava nalorninarunnaartarpoq meeraaqqerivimmi inissamik pisariaqartitsinissaq, taamaattumillu piffissami tassani meeraq meeraaqqerivimmut inissamut allatsissinnaasariaqarpoq.

Tamatuma saniatigut pingaaruteqarpoq, Kommuneqarfik Sermersooq angajoqqaanut piaarnerusumik akissuteqartalissasoq, illuatungeriit pilersaarusiortuarnerunissaat anguniarlugu. Demokraatit isumaqarput, naleqquttuussasoq, erninermut atatillugu sulinngiffeqarallarnarup naannginnerani kingusinnerpaamik qaammat ataaseq sioqqullugu qaqugu inissaqalissanersoq kommune akissuteqartariaqartoq. Itigartitsissuteqartoqarpat, angajoqqaat aamma nalunaarfigineqassapput, qaqugu inissaqalissanersoq naatsorsuutigissaneraat. Taamaalilluta qulakkiissavarput angajoqqaat sulisitsisortik peqatigalugu pilersaarusiorninnaalernissaat. Ullumikkut imaappoq, angajoqqaat ajoraluartumik nalunaarfigineqartarput meeqqamik paarineqarnissaat namminneq akisussaaffigissagaat, amerlasuutigullu angerlarsimaffimmi paarsisartunut kommunimit paarsisussarsioqquneqartarput. Tamanna naammaginannngilaq.

Ajoraluartumik ullumikkut imaappoq, angajoqqaat sulinngiffeqarnitik atortariaqartarpat, meerartik meeraaqqerivimmi inissaqarnermoq nalornissutigisaramikku. Ilaannikkut imaattarpoq, angajoqqaat aappaa sapaatit akunnerini marlunni sulinngiffeqarallarnarup naanissaanut piffissaqartarpoq meeraq utaqqisut allattorsimaffianni normu 70-iusoq. Pissutsit tamakku innuttaasunut neqeroorutigisinnaanngilluinnarpavut.

Tamatumani aningaasatigut kinguneqarnissaa naatsorsuutigineqanngilaq, allatsinnerup siuartinneqarnissaa kisimi pineqarmat."

Meeqqanut Atuarfeqarnermullu Ingerlatsivik Kommunalbestyrelsimut ilaasortamit Randi Vestergaard Evaldsenimit (D) marlunnik immikkoortulimmik tigusaqarnikuuvoq:

- Naartusut erninissaq qaammatinik pingasunik sioqqullugu meeqqamik meeraaqqerivimmut allatsinnissanut periarfissineqartalissasut.
- Erninissamat qaammat ataaseq sioqqullugu meeraaqqerivimmut inissarsissunneqarneq kommunimit nalunaarutigineqartussanngortinneqassasoq.

Siunnersuummut siullermut tunngasoq: Oktobari 2013-ip tungaanut naartusut erninissaq qaammatinik arfineq-pingasut miss sioqqullugu meeraaqqerivimmut inissamik allatsissinnaasarnerat periarfissaavoq.

Taamatut periuseqarnerup kingunerisaanik utaqquisut allattorsimaffiat malinnaavigiuminaallisippaa, assersuutigalugu meeraq suli ilumiugineqarnermini ataatsimik ukiulinnit allattorsimaffimmi siullit ilagisinnaammassuk. Taama ittumik utaqquisunut allattorsimaffeqarnermi utaqquisut allattorsimaffianni qanoq inissisimanerluni siumut naatsorsoruminaallisitsisarpoq. Aamma suleriaaseq angajoqqaanik utaqquisut allattorsimaffiannut ilanngunneqartunut paatsoornermik kinguneqartarpoq. Oktobarimi 2013-imi allannguisoqarnerata kinguneranik utaqquisut allattorsimaffiannut ilanngunneqarniaraanni piumasarineqarpoq meeraq pingasunik qaammateqalereersimassasoq. Allannguuteqartitsinerup kingunerisaanik, meeqqerivinnut allatsittoqarnerani angajoqqaanut sullissineq pitsaanerulerlunilu pisariinnerulersimavoq, aamma utaqquisunut allattorsimaffik patajaannerulernilu malinnaaffigiuminarnersimavoq. Allatsinnissamat piffissap saniatigut, nalilersuutit allat atuupput assersuutigalugu meeqqat ikiortariallit sallerpaatinneqartarneri, imaappoq utaqquisunut allattorsimaffik malinnaaffigiuminaannerulerlunilu siumut naatsorsoruminaallisarpoq.

Siunnersuutip aappaanut tunngasoq: Ajoraluartumik meeraaqqerivimmut meeqqerivimmullu inissarsinissaq qulakkeerneqarsinnaanngilaq, imaappoq, piffissaalluarallartillugu ingerlatsivik tamatigut nalunaaruteqarsinnaanngilaq. Qaammat ataaseq sioqqullugu nalunaaruteqartarnissaq atuutilersinneqarpat, taava inissat arlalippassuit ingerlaannaq ulikkaarnaviannngillat, qaammatillu ataatsip ingerlareernissaata tungaanut atorneqarsinnaanatik. Tamannalu kikkunnut tamanut naleqqutinngilaq. Meeraq illoqarfimmut/nunamut allamut nuussimatillugu imaluunniit meeqqerivimmut imaluunniit AKO-mut inissaqalernissaminik utaqqitillugu piffissaalluarallartillugu pilersaarusiornissaq ajornakusoortorujussuuvoq, qaqugukkut inissaqalissanersooq siumut naatsorsoruminaattarpoq, peqatigitillugulu inissaaleqisoqarpat, piffissaalluarallartillugu ingerlatsiviup nalunaaruteqartarnissaa killeqartorujussuusarpoq.

Angajoqqaarpasuit meeqqaminnik suli inissamik tunineqarsimannginnertik qaqugulu sulileqqinnissartik pillugu ingerlatsivimmut nalunaariartortarput. Tassunga atatillugu apeqqutigisarpaat, meeqqap qaqugu meeqqerivimmi inissaqalernissaa naatsorsuutigissaneritsik. Taamaattoqartillugu nalinginnaasumik akissutigineqartarpoq suli inissaqalinngitsoq aammalu inissaqalerpat nalunaarfigineqarumaartut. Tassunga pissutaavoq utaqquisut allattorsimaffiat taanna siumut naatsorsoruminaattarmat. Ukiup ilaani piffissami utaqquisut allattorsimaffiat nikerangaatsiartarpoq, kisianni inissamik tunineqarnissaq qulakkeerneqarneq ajormat, ingerlatsivimmiit qularnaarisooqarsinnaananilu piffissaagallartillugu nalunaartoqarsinnaaneq ajorpoq.

Innersuussinertalimmik suleriaaseqarneq pillugu naatsumik nassuiaat:

Meeraaqqerivimmiit meeqqerivimmut ikaarsaariarnermi, meeqqerivimmikkuunnaartoqarnermi/meeqqerivimmiikkunnaarallarnermi imaluunniit meeqqerivimmut allamut nuutitserusunnermi, meeraaqqerivinni inissat periarfissaalersinneqartarput, taamaattumillu meeqqerivinni sorlarni qaqugulu inissaqalissanersoq oqaatigiuminaattarpoq.

Meeraq meraaqqerivimmiittoq 2,9-nik qaammatilik meeqqerivimmut nuutinneqarsinnaavoq, meeraaqqerivimmit nalilerneqarpat meeraq ukiuminut perorsimanermigullu meeqqerivimmiilernissaminut naleqquttusoq.

Angajoqqaat qaquguluunniit meeqqamik meeqqerivimmiittarunnaarnissaa nalunaarutigisinnaavaat, taamatullu meeqqerivimmut allamut nuutinnissaanik qinnuteqaateqarsinnaatitaallutik, meeqqerivimmi ataatsimi qatanngutigiiit ataatsimoortinniarlugit, allamik initarneq pissutigalugu imaluunniit aqquutit ajornakusoorneri pissutigalugit. Taamaattumik qaqugu meeqqerivimmiikkunnaarnissamik nalunaartoqarnissaa ingerlatsiviup siumut piareersimaffigisinnaaneq ajorpaa.

Suleriaaseq qulaani taaneqartoq tunngavigalugu ullormiit ullormut inissaqalersitsisoqarsinnaasarpoq. Tassunga pissutsit assigiinngitsut apeqqutaalertarput, taamaattumillu qaammat ataaseq sioqqullugu meeraaqqerivimmi inissaqalersimanersoq angajoqqaanut nalunaarnissaq ajornarsisarluni.

Agguaqatigiissillugu utaqqineq ullumikkut qaammatinik tallimanik sivilissuseqartarpoq. Taamaattumik meeraq pingasunik qaammateqalersimasoq allatsinneqarpat, agguaqatigiissillugu arfineq-pingasunik qaammateqalerpat inissarsissunneqassaaq.

Maannakkorpiaq Nuummi utaqqisunut allattorsimaffik imatut isikkoqarpoq:

Ulloq	utaqqisut qassit
10. Juuli 2018	60-it
25. Juuli 2018	60-it
07. Aggusti 2018	88-it
21. Aggusti 2018	97-it
Septembarip ulluisa 5-t 2018	95-it
Septembarip ulluisa 17-at 2018	97-it

Utaqqisut allattorsimaffinniittut amerlinerinut pissutaavoq Nuummut nutserartoqarnera.

Aaqqiissutissatut siunnersuut – suliaticut naliliineq

Siunnersuut qulaajaaffiginiarlugu Ingerlatsivik pingasunik inuttalimmik suleqatigiissitaliorsimavoq, perorsaasunut siunnersorti, inissanik innersuussisarfimmi immikkoortortami aqutsisoq stabschefilu. Siunnersuut suleqatigiit eqqartorsimavaat, aammalu kingunerisassaat iluaqutissartaallu oqimaalutarsimallugit.

Meeqqanut Atuarfeqarnermullu Ingerlatsivik isumaqarpoq, erninissaq qaammatinik pingasunik sioqqullugu utaqqisut allattorsimaffiannut allatsittoqartarnissaanik siunnersuut immiini angajoqqaanngortussanut pitsaasumik sullissinerusussaasoq.

Allannguutit aamma kingunerisavaat, angajoqqaat meeqqap inunngorneranik Ingerlatsivimmut nalunaaruteqariartortarnissaat, taamaalillutik sulisut utaqqisut allattorsimaffiannut allatsinnissamik qinnuteqaammik atuutilersitsiniassammata.

Siunnersuutip aappaa tassaavoq, erninermut atatillugu sulinngiffeqarneq qaammammik ataatsimik sioqqullugu, meeraq meeraaqqerivimmuut inissarsissunneqarsimanersoq imaluunniit akerlianik, pillugu kommune angajoqqaanut nalunaaruteqarnissamut pisussaaffeqalissammat. Angajoqqaat qaqugu sulileqqissanerlutik uppersaammik tunniussisarnissaat naatsorsuutigineqartariaqarpoq, taamaalilluni ingerlatsivimmiit angajoqqaat ernereernerup kingornagut sulileqqinnermi nalaani inissaqarnerseq inissaqannginnersorluunnit nalunaarfigineqartarniassammata.

Aningaasaqarnikkut sulisoqarnikkullu naliliinerit
Aningaasaqarnikkut sulisoqarnikkullu naliliisoqanngilaq.

Inatsisitigut tunngavissaq allakkallu tunngaviusumik uppersaaitallit
Kommuneqarfik Sermersuumi ulluunerani neqeroorutitut inissamik innersuussinissamut maleruagassat
Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq.
Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq.

Ingerlariaqqinnissaq

-

Aningaasaqarnermut Allatseqarfimmit oqaaseqaatit
Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqaqatigiinneq
Soqanngilaq

Ingerlatsivinnit allanit oqaaseqaatit

Ilanngussat

1. Kommunalbestyrelsimut ilaasortap Randi Vestergaard Evaldsenip (D) siunnersuutaa
2. Utaqqisut allattorsimaffiani tulleriinnilersuineq – inatsisimiit tigusaq

Punkt 05G: Nunaqarfinni sunngiffimmi atuartitsineq

Beslutning

Inassuteqaatit akuerineqarput

Nunaqarfinni sunngiffimmi atuartitsineq

Peqataasut amerlassusissaannut immikkut akuersissummik qinnuteqaat

Aalajangiiffigisassaq

J nr: 55.01

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Matumuuna Meeqqanut Atuarfeqarnermullu Ingerlatsivimmit sunngiffimmi atuartitsinissami peqataasut amerlassusissaat pillugu immikkut qinnuteqaatigineqarpoq. Nunaqarfinni Kulturikut ingerlatsineq sunngiffimmilu sammisassaqaartitsineq pillugit Inatsisartut inatsisaat nr 5, 6. juni 2016-meersoq naapertorlugu naammassineqanngilaq, taamaattumik Meeqqanut Atuarfeqarnermullu Ingerlatsiviup nunaqarfinni tamani sunngiffimmi atuartitsinnaaneq anguniarlugu, peqataasussat 8-t ataakkaluarpaguluunniit, immikkut akuersissut qinnuteqaatigaa.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- immikkut qinnuteqaat akuersissutigineqaqqullugu
- immikkut akuersissutip qinnuteqaatiginera Suliffeqarnermut aamma Aningaasaqarnermut Ataatsimiititamut kiisalu Kommunalbestyrelsimut akuersissanngorlugu nassiunneqassasoq.

Suliassamik saqqummiussineq

Sunngiffimmi atuartitsineq meeqqanut inersimasunullu neqeroorutaavoq oktobarip 15-nit 2018 aallartittussaq 2019-milu aprilip tungaanut ingerlanneqartussaq.

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr 5, 6 juni 2016-imeersoq ilaatigut (takuuk § 11) Kommunalbestyrelsip piumasaqaatit uku tamarmik naammassineqarpata sunngiffimmi atuartussatut pilersinneqartut akuersissutigissavai: 7) Peqataasussat ikinnerpaamik arfineq pingasut nalunaarsimassapput, taamaattoq tak. imm. 2 aamma § 16, imm. 2 kiisalu § 17, imm. 2.

Arsummi atuartut arfiniliinnaapput taamaattumillu peqataasussat amerlassusissaat naammassineqanngilaq. Taamaattorli § 11 nr 9) malillugu Atuartitsissutinut ataasiakkaanut immikkut ittumik piumasaqaatit akuersissutigineqarsinnaapput. Imm 2. Kommunalbestyrelsip piumasaatit uku tamarmik naammassineqarpata sunngiffimmi atuartussatut pilersinneqartut akuersissutigissavai, imm.1, nr 7 naapertorlugu. Taamasilluni Meeqqanut Atuarfeqarnermullu Ingerlatsiviup qinnuteqaatigaa sunngiffimmi atuartitsinissap nunaqarfinni tamani ingerlanneqarnissaa, peqataasussat arfineq pingasut inoraluarpasulluunniit.

Aaqqiissutissatut siunnersuut – suliatigut naliliineq

Meeqqanut Atuarfeqarnermullu Ingerlatsivimmit naalakkersuisooqatigiinnissamik isumaqatigiissummi ineriartortitsisoqarnissaanik anguniagaq naapertuuttuusoq isumaqarfigineqarpoq. Nunaqarfiit sinnerini sunngiffimmi atuartitsinerup ineriartortinneqarnissaa Ingerlatsivimmit isumalluarfigineqarpoq. Meeqqanut sammisassaqaartitsineq ulluinnarni suliassanut isumassatsialannullu pilersitserusunermik ammaassisuusarpoq atuarnerup avataatigut allaanerusumik ingerlataqarfiusinnaasoq.

Aningaasaqarnikkut sulisoqarnikkullu naliliinerit

Sunngiffimmi atuartitsisarnerit immikkut kontoqarput konto 404050502-404050503-ip ataani. Missingersuutitigut qaangiisoqassanngitsoq ingerlatsivimmit naatsorsuutigineqarpoq.

Inatsitigut tunngavissaq allakkallu tunngaviusumik uppersaatitalit Kulturikkut ingerlatsineq sunngiffimmi sammisassaqtitsineq pillugit Inatsisartut inatsisaat nr. 5, 6. juni 2016-imeersoq.

Naalakkersuisooqatigiinnissamik isumaqatigiisummi 2017-2021 iliuuserisassat MA43 - Sunngiffimmi neqeroorutit akeqanngitsut ineriartortinneqassapput

Ingerlariaqqinnissaq

Peqqinneq Sunngiffillu nunaqarfinni sunngiffimmi atuartitsinissamik ammaajumaartoq hold-illu tulleriarlutik aallartittassasut.

Aningaasaqarnermut Allatseqarfimmit oqaaseqaatit

Aningaasaliissutit sipporneqartinnagit ØS allamik oqaaseqaatissaqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussat

Soqanngilaq

Punkt 05H: Ingerlatsinermik kukkunersiuneq. Atuartut angerlarsimaffiat

Beslutning

Inassuteqaatit akuerineqarput, suliarlu Aningaasaqarnermut Inuussutissarsiornermullu Ataatsimiititaliamut Kommunalbetyrelsimullu ilisimatitsissutissatut ingerlateqqillugu.

Bilag

Afrapportering-Kisermaa.docx_23008_KAL.docx

Ingerlatsinermik kukkunersiuineq

Atuartut angerlarsimaffiat

Aalajangiiffigisassaq

J.nr.: 37.07

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Ingerlatsinermik kukkunersiuinermi aallaavigineqarput politikikkut allaffissornikkullu aqutsinermut najoqqutassat. Aamma ingerlatsinermik kukkunersiuinermi angusarineqarsimasut anguniagassatut siunniunneqarsimasunut naapertuuttuunersut najoqqutarineqarsinnaapput.

Ingerlatsivimmi kukkunersiornermi pingaarnertut paasisat imaapput, sulineq ajunngitsuusoq Nuummilu atuartut angerlarsimaffiata innersuussutaat ingerlanneqartut.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Deloitte-p ingerlatsivimmi kukkunersiuinera akuersissutigineqassasoq
- Ilisimatitsissut Aningaasaqarnermut Inuusutissarsiornermullu Ataatsimiititamut ingerlateqqinneqassasoq.
- Suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

2016-imut naatsorsuutit suliarineqarnerannut atatillugu Aningaasaqarnermut Ataatsimiititaq aalajangerpoq atuartut angerlarsimaffiitut kollegianullu susassaqarfik ingerlatsivimmi kukkunersiorneqassasoq Ingerlatsinermik kukkunersiuinermi misissorneqarput politikikkut aalajangikkat sipaarnikkut, naammassiortuinikkut sunniuteqarluartumillu suliarineqarsimanersut. Tamakkua saniatigut misissorneqarpoq, ingerlatsivik qanoq ililluni politikkinik, periusissianik allanillu suliaqartarnersoq aammalu suliffimmi nalunaarusiortarneq aningasaqarnermillu aqutsineq qanoq ingerlanneqartarnersut.

Kommunimi kollegiat marluk. Iserit A/S-ip kolligiat ingerlanneqarnerat isumagissavaat kommunillu tamassuma kingorna kollegianut allaffissorneq akilissavaa. Deloitte-p aqqissuussineq tamanna ajunngitsumik nalilerpaa atuartullu angerlarsimaffii pillugit oqaaseqaat suliarineqareersoq ukkatarilersinnaalerlugu.

Kommune marlunnik atuartunut angerlarsimaffiuteqarpoq. Siulleq Nuummiippoq atuartunut 28-anut inissalik. Aappaa Tasiilamiippoq atuartunut 40-nut inissalik. Atuartut angerlarsimaffianut inissinneqarnissaq atuartumik angajoqqaavinillu qinnuteqarnerup kingorna pisarpoq kiisalu aamma atuartup atuariullu akunnerminni isumasioqatigiinnerup kingorna pisarluni.

Atuartunut angerlarsimaffiup sullinniagai atuartuupput inoqarfinni mikinerusunit atuarnertik naammassisimagaat maannalu illoqarfimmut meeqqat atuariinut naammassiartortut soraarummeernissaq siunertaralugu.

Atuartunut angerlarsimaffiup meeqqat atuarii pillugit inatsit naapertorlugu atuartunut ilinniartitsinermi neqerooruteqarnissaq qulakkeertussaavaa. Aamma meeqqanut inuusuttunullu angerlarsimaffittut isigineqarput, taakku ilaquttaminniit atuariartorlutik aallartarput, inatsisitigut inuttulluunniit suli inersimasunngoratik, tamannalu malitseqarpoq tapersorsorneqarnissamik killilersorneqarnissamillu pisariaqartitsineq.

Malunnarpoq nalinginnaasumik atuineq missingersuusionermit missingersuutinillu malinnaatitsinermit qaffasinnerulaarsimasoq. Ukiut ingerlaneranni missingersuutit annikitsumik ikilisarneqartarput aamma atuineq annikinnerulersimavoq. Piffissami atuivallaartoqarpoq 0.7-imit-1,6 mio koruuninut, ataatsimut missingersuutinik takuneqarsinnaavoq aningaasartuutit 66 procentii aningaasarsiassanut, 12 procentii ingerlatsinermit aningaasat kiisalu nerisaqarneq 11 procentiusoq.

Assigiinngitsunik allanik nalunaarusiortoqarnikuuvoq. Ilaatigut Namminersorlutik Oqartussat atuartut angerlarsimaffii pillugit nalunaarusiornikuupput taannalu tunuliaqutaralugu kommune periusissamik iliuusissamillu pilersaarummik atuartut angerlarsimaffii pillugit suliaqarpoq. Suliaq taanna siunnersorteqarfimmit ikiorteqarluni aallarnisarneqarpoq atuartullu angerlarsimaffiani pissutsit pillugit annertuumik erseqqissaaffigineqarpoq kiisalu periutsit pillugit innersuussutit amerlaqisut aamma erseqqissarneqarput. Atuartut angerlarsimaffii marluk suliarineqarput. Deloitte-p allattoqarfiullu isumasioqatigiillutik nalilerpaat, maanna misissueqqissaarineq ingerlanneqartoq ingerlatsivimmi annertusisamik kukkunersiunermit nalinginnaasumik sunnerneqartussat arlallit matussuserneqartut. Taamaattumik ingerlatsivimmi kukkunersiunerup ukkutarinninnera Nuummi atuartut angerlarsimaffianni ineriartortitsinermit suliaq malinnaaffigineqartussanngorlugu allanngortippaa - takuuk ilanngussaqaq.

Aaqqiissutissatut siunnersuut – suliatigut naliliineq

Nuummi atuartut angerlarsimaffiani sulineq ajunngitsumik ingerlanneqartoq aammalu innersuussutit malillugit sulisoqartoq Deloitte isumaqarpoq.

Aningaasaqarnikkut sulisoqarnikkullu naliliinerit

Atuartut angerlarsimaffiat angalanermit aningaasartuutinut tunngatillugu unammillernartoqarpoq - tassa Ittoqqortoormiinit atuartut amerlasoorpassuit atuariatarmata. Atuartut taakku aasaanerani Juullikkunnilu Ittoqqortoormiinit angerlarlutik aallartarput - angalaneq kiffartuussinermit isumaqatigiissut nutaaq pissutaalluni akitsorsimallunilu ajornakusuulersimasoq atorlugu. Siunnersuutigineqarpoq, aallaqqaataanit konto nalinginnaasunut agguataarneqarnissaat. Ulluinnarni aningaasatigut aqutsinermit ikiuutaasinnaavoq pissutsit piviusut naapertorlugit naatsorsuutigisat tunngavigalugit missingersuutit kontunut nalinginnaasunut agguataarneqarunik.

Inatsisitigut tunngavissaq allakkallu tunngaviusumik uppernarsaatitallit

Kommuneqarfik Sermersuup Deloitte-llu akunnerminni kukkunersiunermit isumaqatigiissutaat.

Ingerlariaqqinnissaq

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Innuttaasunik peqataatitsineq/attaveqatigiinneq

Soqanngilaq

Ingerlatsivinnit allanit oqaaseqaatit

Soqanngilaq

Ilanngussaqaq

Nalunaarusiaq Kisermaaqaq

Punkt 6: Evt.

Punkt 7: Suliat matoqqasut

Punkt 8: Imaqarniliap akuerineqarnera

Beslutning

Imaqarniliaq nal. 19.04 akuerineqarpoq